

# TRAICTE 4 DE LA PESTE.

Fait par GUY DE LA BROSSÉ,  
Medecin.

*Avec les remedes preseruatifs.*

*Joannes Bellesourges & Beaulieu  
Medicus Parisiensis Praecipua  
anno m<sup>o</sup> d<sup>o</sup> c<sup>o</sup> lxxii*



A PARIS,  
Chez IEREMIE & CHRISTOPHE  
PERIER, en leur Boutique au Palais,

M. DC. XXIII.

*Avec Privilege du Roy.*



DE LA FESTE

IMPRIMERIE DE LA BROU  
Medecin

Le 10 Mars 1811  
Monsieur le Ministre  
J'ai l'honneur de vous adresser  
ci-joint le rapport que vous m'avez  
demandé par votre lettre du 27  
Janvier dernier.



A PARIS

chez la Citoyenne de la République  
Général de la République

DE LA CITÉ

de la République



A MONSIEVR  
DE BAILLEVL  
SEIGNEVR DE VAL-  
LETOT DE SOYSI, CON-  
seiller du Roy, en ses Conseils  
d'Estat & Priué, Preuost des Mar-  
chans, & Lieutenant Ciuil de Paris.

MONSIEVR,  
**M** Ceux qui s'imagineront que  
c'est la presumptueuse croyan-  
ce de sçauoir plus que les au-  
tres, qui m'a porté à Vous faire Vëoir mes  
conceptions de la cause de la Peste, ne ren-  
contreront bien, ny aux mouuements de  
mon ame, ny au dessein qui me guide; gra-  
ce au Tout-puissant, ie ne me suis iusques  
à ce poinct outré de Vanité, & la bonne

opinion de moy-mesme ne m'a encore iusques à ce terme subuerti le iugement ; Face le Ciel que ie n'y succombe iamais. Le dessein de servir le public , si par cet eschantillon l'on m'en iuge capable , est mon seul motif, ie le vous ay dit , & ces lignes encore vous en rafreschiront le souuenir ; par dela ce que i'en asseure , que l'on en pense ce que l'on voudra , il me suffit pourueu que me faciez l'honneur de receuoir cette verité de ma bouche. I'auouë pourtant que ces sentimens me sont entrez en l'ame ; Que ce n'est pas sans raison que le bruit de la Peste plain d'effroy & d'estonnement alarme les plus asseurez courages contre les autres perils de la vie , puis que les Medecins qui la doiuent cognoistre la redoutent esgalement avec eux , voire avec les plus timides , & qu'incertains de sa cause , ils ne s'oseroient fier à leurs plus puissans remedes , si ce n'est à celuy qu'ils surnomment de trois ingrediens , de

fuyr tost, loing, & retourner tard: Et qu'il estoit bien seant à celuy qui professoit un Art de si grande attente que la Medecine, de s'efforcer s'il y auoit moyen de rencontrer ce que l'on auoit de si long temps cherché: Que si de grands personnages qui ont ouuert cette lisse n'ont pas fourny à la carriere, que cela ne nous doit estonner, le pire qui nous puisse escheoir en tel dessein, c'est de n'arriuer non plus au but qu'eux: ie sçay qu'il n'est pas permis à tout le monde d'aller aux lieux saincts, & que tous les hommes ne peuvent entrer dedans le sanctuaire de la Nature. Cela est reserué à ceux que Dieu a benits, & pour lesquels luit dedans le Ciel quelque fauorable estoile, mais nous n'auons point de marque pour les recognoistre: il vaut mieux demeurer au chemin d'une si louable entreprise, que de ne l'oser hazarder à l'auanture: ce peu que l'on aura aduancé pourra-t'il seruir à ceux qui

auront plus de fortune & de bon heur,  
que sçauons nous à qui ce rameau d'or doit  
escheoir?

Que si ces conceptions rendent vn studieux  
coupable, sans doute ie le suis; le desir pourtant  
de donner preuue au public de mon travail,  
& de faire quelque chose à la commune utili-  
té en est la cause, qui n'est pas viciense, ce me  
semble, & de laquelle en cette condition ne  
sçaurai sortir vn mauuais effect.

Juge que vous estes, tres-iuste, non seule-  
ment des differends que la mauuaise humeur  
de l'infidelité des hommes engendre, mais en-  
core de ceux que l'enuie & la Zizanie intro-  
duites dedans le commerce des lettres produi-  
sent iournellement, j'attends de vous la senten-  
ce qui portera mon absolution ou ma condam-  
nation, & quoy qu'il en arriue, me reposant  
sur vostre Equité, ie ne seray iamais autre  
que

Vostre tres-humble seruiteur,  
GVY DE LA BROSSÉ.



# TRAICTE

## DE LA PESTE.

**E**st vne des principales maximes de l'vnë & de l'autre Medecine prise de leurs effectz, que par la cognoissance de la cause maladiue, se descouure le remede pour sa cure: Tous leurs Professeurs tant des vieux que des nouueaux siecles ont iudicieusement appuyé le plus solide de leur methode sur la baze de sa consequence. Et quiconque y procede autrement, s'il rencontre en la guarison des maladies c'est par hazard. Mais quoy que tel

precepte soit vne iuste loy pour toutes les infirmités du corps humain, sans distinction de tēps & de suiet: si semble-t'il se relascher à la maladie de la Peste: voire ie dis qu'en tel rencontre qu'il se pratique tout autrement: La cause de cette maladie incertaine & controuersée, non seulement par ceux de differēte doctrine, mais encore par les aprētifs de mesme classe, & la difficulté de l'esclaircir & dereünir tāt d'opiniōs produisent ce desordre. Car bien que deux opinions diametralement opposées ne peuuent estre toutes deux vrayes, neātmoins chacun a traitté cette matiere à sa guise & au plain de son opinion, tant en la cause qu'en la prescription des remedes, soit pour la precaution ou pour la cure; verifiant par diuers sentimens ce triuial prouerbe, qu'il y a autant de differens aduis que de tē



tes. Sçauoir qui a le mieux rencôtré, c'est la question, & s'il est possible de réduire la cure de la Peste, à la verité de nostre maxime, c'est ce que nous desirons tenter.

Toutes les differentes opinions de la cause efficiente de la Peste se peu-  
uét reduire à deux generales. La pre-  
miere, qu'elle est manifeste, depen-  
dant des qualitez actiues & passiuës  
des Elements. L'autre au contraire,  
qu'elle est cachee, procedant des oc-  
cultes miseres de nostre foible con-  
dition, soit venant du Ciel, soit des en-  
trailles d'vne nature venimeuse, qui  
en jette la semence dans les Elemens  
& dedans les corps humains.

La premiere est suiuite de ceux qui  
se promettent rendre raison de tous  
les euenemens & mouuements de la  
Nature par les qualitez manifestes, &  
qui n'admettent aucune vertu speci-

*Deux  
nerales  
nions de  
cause e  
cientie  
la Peste*

*Premie  
opinion*

fique en elle; affirmans que la pourriture est la cause principale & vniue.

*remier  
diffa-  
des*

Pour prouuer telle opinion, ils commencent par l'autorité de Galien, assurant que toutes les fieures pestilentes sont putrides, puis ils continuent par ces inductions: que la Peste ne paroist qu'en vne cōstitution d'air chaud & humide; cause de la pourriture: que lors que les vents Austraux soufflent cōtinuellement, lesquels chauds & humides pourrissent les fruiets, & les chairs, engédant les plus fascheuses maladies; pour cela sont ils nommez du vulgaire vents de succession: que lors que les marets, estangs, cloaques & ouuertes de terre iettēt des vapeurs puantes & pourries, ou apres quelque grande & sanglante bataille dont les corps morts espars & emmoncelez gisans sans sepulture se pourrissent, & infectent l'air: qu'apres

ou coniointement à vne lógue fami-  
ne, en laquelle les humains alimentez  
de mauuais viures sont pleins de suc  
pourris & malins, car les pauvres  
nourris de chetiues viandes, & fale-  
ment logez, en sont plustost infectez  
que les riches viuans proprement &  
grassement. D'abondant (disent ils)  
la science s'esclaircissant par son  
contraire nous monstre cette verité,  
les vents froids & secs du Nord, re-  
sistent à la pourriture & à la peste, voi-  
re à tout ce que le vent chaud & hu-  
mide du Sud produit, parce que des-  
seichant l'humide superflu des sub-  
stances, les resserrant & condançant  
ils empeschét la penetration des cho-  
ses estranges. De là vient que les ma-  
tieres qui sont accompagnées de tel-  
les qualitez, resistent puissamment à  
la pourriture: Ainsi le sel sec & resser-  
rant, desseiche l'humide superflu des

corps auxquels il est ioinct en suffisante quantité, & les preserue de pourriture, de mesme le miel de consistance crasse & de qualité seche resiste à la putrefactiō, & encore toutes les substances froides & seches ont cette vertu: ces diuerses récontres objects des sens, leur font penser que la Peste n'a point d'autre cause manifeste que la pourriture.

*seconde  
opinion de  
l'usage de  
l'esse.*

La seconde opinion soustenuë de ceux qui disent que la Nature travaille par des causes cachées à nos sens; mesme ou nostre entendement a de la peine de penetrer, assurent cōtre les premiers que la cause essencielle de la Peste est tres-cachée, & qu'elle despend de la propriété de toute la substance venimeuse, la nommant vn specific venin contagieux.

Pour refuter l'opinion premiere & appuyer la leur, ils disent que si la

cause de la Peste procedoit de la pourriture, qu'il s'ensuiuoit qu'elle releueroit des qualitez Elementaires, causes efficiētes des actions naturelles & manifestes en la generation & pourriture; & que selon la qualite predominante elle seroit chaude ou froide, seche ou humide, ou mixte, & procederoit-on à sa cure par les qualitez cōtraires, suivant les aduis des vieux siecles, mais qu'elles y sont inutiles, & qu'aussi la pourriture en general n'est ny venimeuse ny contagieuse, ainsi que la Peste: qu'elle a donc vne autre cause. De l'attribuer à l'interperie chaude & humide absolument aussi peu, l'experience tesmoigne le contraire. Il s'est veu des Estez de cette cōstitution sans Pestes: plusieurs fois elle a cōmencé l'Hyuer & finy l'Esté ou l'Automne, & les Regions froides en sont tres-souuent infectées, elle y

est ordinairement tres-cruelle. Londres Angloise ne passe guieres d'années sans en sentir le venin, la Suede & la Noruege ont plusieurs fois esté depupees par son poison. Toutes maladies se font en tout temps, dit Hipocrates, il est bien vray que les vnes se font plustost en vn temps qu'en vn autre.

De l'intemperie chaude & humide cause prochaine de la pourriture, cōme ils disent, passer aux vapeurs, s'elevant des marais, estangs, cloacques & charongnes pourries, infectant l'air de leur vapeur puante, il est aussi peu vray semblable, qu'ils contagient ce subtil Element, & qu'ils soient cause de la Peste que les autres pourritures, car ces vapeurs tres-particulieres ne s'estēdent en loingtaines regions, ainsi que la Peste qui passe d'un lieu à autre tres-facilement & en peu de temps,

Aussi que cessant telles causes, de mesme deuroit cesser l'effect : nous ne voyons point de vapeurs, pour crasses qu'elles soiēt, qui puissent durer quatre mois sans se dissiper, ny de lubiect de pourriture qui exale si long temps, principalement en ce climat où nous n'auōs pas trois mois de chaleur bien sensible ; neantmoins la Peste y a perseueré quelquefois plus de deux ans sans relascher : & puis si ces vapeurs procedans de la pourriture en estoiet la cause, elle ne seroit tant particuliere pour l'homme ; encore se pourroit-il rencontrer quelque petit grain de pourriture cōuenable aux autres animaux qu'un commun air affecte auēc luy. Dauantage il n'y a point d'air qui puisse glisser de son lieu à vn autre esloigné sans mouuemet, tout mouuement de lieu & toute agitation sont cōtraires à la pourriture, ainsi l'asseu-

reAristote:de sorte que telle cause ne pourroit ny loquemet durer, ny bien loing s'estendre. A cecy se peut adiouter, que si la pourriture estoit cause vnique de la Peste, qu'elle deuroit redoubler par la putrefaction des corps tuez par ce poison: car si ceux qu'une cause ordinaire a mis à mort ont engendré la Peste par leur pourriture, à plus forte raison ceux qu'un tel venin a terrassez la doiuent-ils augméter, au moins les lieux proches en deuiroient ils estre infectez; il ne s'est pourtant veu en nos iours que les grâds monceaux de morts mis dedans les fosses de la Trinité de cette ville, seullemēt suspoudrez de peu de terre, ayēt gasté les maisons voisines, nō plus que les cloaques celles qui en sont proches, d'oū nous pouons penser s'ils en sōt la cause: & veritablement si la pourriture des corps & la puāteur des cloa-



ques contribuent de quelque chose à la generation, pourquoy ne seroit-elle continuelle, si non violente, au moins frequente, car les ruës, les halles, & autres marchez, les escorcheries, tanneries, & les esgouts sont continuellement remplis d'ordures & de putrefactions, & iamaïs les Cimetieres, les Eglises, & ce grand gouffre de la Trinité qui deuore tant de corps, ne sont oy sîts: mais elle ne procede de là, ny encore de la pourriture interne des humeurs, simplement consideree comme telle, ny ne l'attire & ny contribue les febricitans de fieures tierces, quartes & sinochales le sentiroient bien tost, ces maladies putrides seruiroient d'amorce à son venin, car les natures semblables s'vnissent tres-facilement, il n'en va pas pourtant ainsi, d'où il s'ensuit que la pourriture n'est pas la cause efficiente de la Peste.

De dire que c'est vn tel degré de pourriture qu'il acquiert qualité de venin; c'est le proposer & non le prouuer, la pourriture de la gangrene n'a point qui l'esgale, & neantmoins elle n'est pas contagieuse, aussi celle qu'ils establisent, estant vne pourriture inexplicable comme quelqu'vns ont escript, & de toute autre condition que celle qui suit l'ordre de la Nature, c'est nous vouloir esclaircir vne chose obscure par vne plus cachée & en reuenir à ie ne sçay, comment pourra-t-on expliquer ces degrez de pourriture de Peste, qui en vn temps ne tuë que les enfans, en vn autre les vieillards, en quelque autre rien que les femmes grosses ou les filles; veritablement si l'on peut desmesler cette fusée, l'on a trouué ce que l'on cherche, mais il n'y a pas grande apparence, il est plus raisonnable d'auouer ingenuement ce

qui en est, & qu'elle vient de cause occulte.

Voyla ce que disent les deux parties, *Sçavoir ces des*  
 sçavoir maintenāt s'ils se peuuent con- *pinion*  
 siliier, car la presumption de l'homme, *nerale*  
 cause de l'opiniaistreté, ne veut souffrir *la cau*  
 de l'adoucissement à ses imaginations, *la Pes*  
 principalement quand elle croit auoir *peuue*  
 atteint la cognoissance des causes na- *siliier.*  
 turelles, & que ses fondemens sont  
 tres solides, bien qu'elle ne les ait exa-  
 minez. Mais comment examinez ! il  
 ne faudroit pas qu'un superstitieux  
 resper de l'antiquité luy eust perdu le  
 iugemēt, & osté le desir de passer plus  
 outre que l'Alphabet de ses deuâciens,  
 atachée qu'elle est à leurs maximes, elle  
 choisit plustost de faillir avec eux que  
 de bien faire avec ses contemporins,  
 ainsi l'homme empoisonné de cette  
 Peste est empesché & diuertý de re-  
 chercher les causes de la Peste.

*causes  
es ne  
dms-  
ceux  
ōnent  
inci-  
affectiōs  
malis-  
remise-*

Or nos premiers propofans ne peu-  
uēt receuoir de caufes occultes, car ils  
prefuppoſent les cognoiſtre toutes  
encores que les obſeruatiōs ne reſ-  
pondent à leurs principes: ils ne peu-  
uent auſſi aduouer que la cauſe de la  
Peſte ſoit vn venin qui agiſſe par la  
propriété de toute ſa ſubſtance, c'eſt  
leur faire eſtablir vn quatrieſme gen-  
re de maladie contre l'aduiſ de leurs  
maîtres, & par conſequent c'eſt les  
mettre à la torture: Ioint que voulans  
definir vne telle indispoſition, elle ne  
ſe pourra iamais rapporter à la defini-  
tion de maladie de Galien: car l'affe-  
ction contre nature bleſſant l'actiō,  
priſe pour maladie, eſt de luy enten-  
duë vne intēperie, qu'il explique apres  
pour le ſeul excès des qualitez clemen-  
taires, lesquelles il pretend tres-co-  
gneuës: & celle de la Peſte eſt cachée.

D'autre coſté ils ne definiffent ny

ne diuissent cette pourriture qu'ils établissent pour cause efficiente de la Peste: car de dire que toutes les fieures pestilentes sont putrides, ne se peut couertir à ce terme que toutes fieures putrides sont pestilentes, l'un & l'autre se récontrent icy, termes particuliers, car selon cette opinió que la pourriture est cause de la Peste, puis qu'elle est venimeuse & cõtagueuse, elle doit estre particulieremēt differente de celle des fieures cõmunes, qui ne l'est pas, ainsi aduoüant vne pourriture venimeuse & cõtagueuse, nous trouuós deux pourritures, l'une cõtagueuse & venimeuse, & l'autre simple, mais ne donnant aucune raison pourquoy l'une est plus tost venimeuse que l'autre, il ne faut pas trouuer estrange si elle n'est receüe, dire qu'elle inexplicable, c'est moins enoncer que de dire que ce venin procede de causes cachees. Car de la rece-

uoir sans vne parfaite demonstration, ce seroit faire tort à la science; Ioint que si elle estoit veritable, Aristote ne l'auroit oubliee, ny apres luy Galien, moins encore auant eux l'auroit oublié l'exacte Hypocrates, & l'auroient definie par sa difference speciale.

*tion*  
*pon-*  
*selo*  
*ore.*  
*des*  
*res.*  
*pre-*  
*exte*  
*ses-*  
*nm.*  
*de*  
Aristote definissant la pourriture, dit que c'est l'esuanouissement de la propre & naturelle chaleur de quelque chose residente en l'humeur, laquelle est excedee & corrompue par la chaleur externe. Galien luy soubscrivant aduoüe que la pourriture se faiët de la matiere humide par la chaleur externe & contre nature, qui luy sert de cause efficiente: parce, dit-il, que des choses seches il n'y en a pas vne se pourrissant, tesmoins l'or & l'argent, la terre sigillee & autres substances priuees d'humidité, & au contraire celles qui abondent en humidité superflüe se pourris-

sent tres-facilement comme toutes choses molles & aqueuses. Apres cette definition, ils ne font aucune diuision pour rencontrer cette generation venimeuse en la pourriture: plustost le mesme Aristote nous voulant enseigner quelle est la fin de la pourriture en la nature, nous faict conceuoir toute autre chose, il nous assure qu'elle est la fin de tous les subiects naturels, non pour estre reduits au non-estre, la nature ne le peut souffrir; mais pour estre le commencement d'un autre subiect, car de la matiere resoluë est faite nouvelle generation. Or nulle generation ne se fait sans forme, parce que c'est la cause motrice de cette action; & comme en elle consiste le premier mouuement naturel, aussi doit elle estre en la matiere, ou y interuenir du dehors: car de croire que les premieres qualitez elementaires la

La pour-  
ture  
fin d'  
je  
commen-  
ment  
autre.

A  
premier  
gener  
trai

premier

*lisez e-* produisent en la pourriture; c'est tō-  
*entaire:* ber en vne trop grande absurdité. Il  
*gédrens* s'ensuiuroit que les accidents produi-  
*ormes.* roient la substance sans laquelle eux  
 mesme ne peuuent subsister, estant  
 pour asseuré que les formes essentiel-  
 les sont substances, & que les formes  
 specifiques naturelles sont essentielles  
 à leur sujet. Si donc la pourriture d'un  
 sujet, a pour fin en la nature le com-  
 mencement d'une autre generation,  
 & qu'il ne se face aucune generation  
 sans forme specifique & essentielle, il  
*la for-* s'ensuit que cette forme est recelee en  
*ause de* la matiere du sujet pourrissant, ou  
*uristu* qu'elle y interuiet d'ailleurs pour cō-  
*recelee* mencer l'ouurage, d'autant que selon  
*matie.* l'ordre des choses, la forme procede  
*vient* l'action, ainsi se conclura que la forme  
*eurs.* recelee en la matiere ou y interuenant  
 du dehors, est celle qui commēce l'œu-  
 ure de pourriture, aydee de la qualité



chaude & humide, comme de son instrument, & non que ce soit la seule & simple qualité: Or le venin en la pourriture de la peste est comme forme, ce la paroist en la morsure & picque des animaux venimeux; desquels le venin par le consentement de tous n'opere que par sa vertu spécifique: car aussitost qu'il est introduit au mēbre blessé il commence son action par la pourriture qui auparauant n'estoit point au sujet, se seruant de l'humide superflu pour son instrument, par le moyen duquel il engendre cette pourriture & conduit son venin a sa fin.

*Que le venin est forme engendrant pourriture*

Ces antécédens tirez de la doctrine d'Aristote ne peuuent estre refusez de nos deux contendans, desia ceux qui soustiennent la seconde opinion, aduoüēt la pourriture en la peste, non comme generatrice du venin, mais comme adjoint, & ceux qui proposent la pre-

*Moderation des deux opinions sur la cause de Peste.*

miere ne ſçauroient nier qu'il n'y aie des peſtes ſans pourriture, mais iamais de peſte ſans venin, cela reconnu de tous, les vns & les autres ſont obligez de cōfeſſer que le venin eſt plus eſſentiel & plus general en la peſte que la pourriture, & par conſequent qu'il doit pluſtoſt eſtre la cauſe.

*de la Peſte  
e arrive  
l'homme  
ur la cauſe  
terne par  
terne.*

Or ſi ſur ce que nous auons cy. deuant dit, que les diuers ſujets de la nature ne ſe pourriſſoient que par l'actiō de la forme recellee en la matiere, ou par celle qui y interuiēt du dehors, l'on demande laquelle eſt-ce de ces deux qui preſide en la peſte; ie reſponds qu'elles ſ'y rencontrent toutes deux, non enſemble en meſme ſujet, mais ſeparément, parce qu'il y a des peſtes dont le venin eſt interne, & d'autres, qu'il vient d'ailleurs, trauaillāt en chacune d'elles par la condition de ſa nature, & ſe faiſant cognoiſtre tel qu'il

est par des signes vniuersels, Mais cõment (repartiront ceux à qui ces aduis ne plaisent) cette forme venimeuse interieure est elle si longuement reserrée & assoupie en la matiere, sans paroistre. Je dis qu'il en arriue au venin de la peste de mesme qu'en la petite verole & rougeole, tous les plus iudicieux en la Medecine tiennent que le venin de ces deux infirmittez viét du dedans & des la premiere conformation de l'enfant au ventre de la mere, neantmoins il ne se manifeste pas à la naissance, il vse de diuers progres de tẽps, ou selon la foiblesse & force du sujet dedãs lequel il est caché, ou selon qu'il est suscitè par quelque agent externe proportioné à sa nature, non seulement il en arriue ainsi aux choses insensibles & es semences du venin, mais encõres des animaux à l'animal, le Canard sauvage, mort & pourrissant, donne le

*Raiso  
pourquoy  
venin est l  
guemẽt ca  
ché au corp  
humain  
sans pour  
riture.*

*L'experie-  
ce confirme  
les raisons.*

loisir, ou plustost fournit de matiere  
aux formes des animaux recelez en  
son corps, de s'en refabriquer de sa rui-  
ne, & en la pourriture de se remettre  
derechef en la vie : la Couleuvre y re-  
prend son premier estre, & le Crapault  
le sien, l'experience l'a confirmé tant  
de fois, & le peut encore, que d'en  
douter est faire tort à la nature, qui  
nous expose ces vicissitudes à nud,  
pour nous en donner vne sensible cō-  
noissance. Si l'on demande pourquoy  
plustost ces animaux que d'autres, &  
pourquoy plustost par la pourriture  
de cestui-cy que de plusieurs autres  
oyseaux: Ieresponds que l'ordinaire  
aliment du Canard est de tels bestions  
dont la nature est tres-prochaine de la  
generation qui se fait en la pourriture,  
ainsi le ieune Bouveau leschant la ro-  
see des plantes engendre plustost la  
mouche à miel, que le Cheual, lequel

contient la generation de la guespe: cela aussi se rencontre en la pourriture de la Cicongne & du Heron.

Mais, dira-t-on, que devient donc la forme de ce sujet destruit, puis qu'une ou plusieurs qu'il receloit occupent la place. Je respóds que celle qui paroist nouvelle ne s'est point mise au lieu de la deuanciére: car l'une ne peut ouurer pour l'autre, ny trauailler en la matiere comme celle qui luy commandoit auant, & qui tenoit sous sa puissance les autres comme enseuelies: ainsi le point ne peut estre centre que de la circonference à laquelle il a rapport comme la partie principale au tout de celles qui l'accompagnent: de mesme la forme ayát pareil pouuoir au corps, le domine selon la nature de sa vertu specifique, assuiettissant toutes les autres puissances recelees en la matiere sous la siéne, iusques à ce qu'elle mes-

*Que devient  
la forme  
qui cesse d'  
gir en son  
sujet.*

me se retire de l'action à l'endormissement par le terme final de sa duree, ou qu'vné de celles qui sont cachees, s'esueille, & se rebelle y estant fuscitee par quelque cause externe, comme l'exemple precedente du Heron, de la Cicongne & du Canard nous le monstre.

*ne les for* Quelle sorte de Philosophie? s'escrie-  
*es sont* ra celuy qui ne cognoist les mouue-  
*us excel-* mens & changemens de la nature que  
*ntes que* par les liures, & quel philosophe auez  
*matiere,* vous leu qui donne la raison de ces qu-  
*ty d'elle* urages, ie luy repars par sa propre do-  
*pend la*ctrine, qu'Aristote le Dieu de l'escole  
*serua.* assure que la forme est plus excellente  
*on desef-* que la matiere, & que par elle sont cō-  
*ces.* seruees les especes des choses naturel-  
*ib. 2. de* les, & sont rendues perpetuelles, ima-  
*gener.* ge de l'eternité, que si les formes per-  
*es anim.* petuent les sujets, quel incōuenient y  
*ap. 1.* a-t-il que recelees en la matiere de la-

quelle elles sont inseparables, qu'elles  
 s'esueillent & se manifestét par temps,  
 principalement en la pourriture, cel-  
 les qui font leurs generations vulgai-  
 rement nommees equiuoques, & de  
 fait, comme toutes les generations  
 sont effets de la forme, le mesme Ari-  
 stote la nomme Nature, pour laquelle  
 il n'entend pas le temperament resul-  
 tant du mēlange des qualitez élémē-  
 taires : mais quelque chose de plus  
 grand, toute forme, vertu, ou puissan-  
 ce (dit-il) participe d'un autre corps, &  
 plus excellent que de celuy des Ele-  
 mens, & selon que les formes sont no-  
 bles ou viles, elles sont differentes les  
 vnes des autres, leur corps aussi suit  
 leur nature, il adiousté pour plus faci-  
 lement faire comprendre son imagi-  
 nation, que dedans toutes les semen-  
 ces est contenu vn esprit cause de leur  
 fecondité nommé chaleur, qui n'est

Lib. 2.

chap. 1. de  
la Physique

Que les for-  
mes son  
bien plus  
excellente.  
que le tem-  
perament.

Lib. 2. cha-  
p. 3. de la ge-  
nerat. des  
animaux.

La forme  
cōtenue d-  
ans tous  
les semēces

*a mesme.*

*ue les ge-  
nerations  
et autre  
cause que  
les quali-  
tez elemē-  
taires.*

*cause effi-  
ciente de  
Peste.*

pas pourtant feu , ny aucune telle fa-  
culté , mais c'est vn esprit contenu en  
la semence, & au corps escumeux, d'où  
la nature respond par proportion à l'e-  
lement des estoiles , de là vient que le  
feu n'engendre ny ne cōstitue aucun  
animal , aussi leur chaleur n'est point  
feu , ny n'en procede. Or puis que le  
feu ny la chaleur n'engendrent aucun  
animal, pouuons nous pas dire que les  
animaux qui sortent de la pourriture  
ont autre origine que les qualitez ele-  
mentaires, & qu'estant effects de cet  
esprit respondant à l'elemēt des estoil-  
les, que ce n'est autre chose que les for-  
mes recelees en la matiere , qui se ma-  
nifestent de la puissance à l'acte.

Ces premices nous estant accordees  
par la suite & enchainement de leurs  
raisons, il n'y aura point d'inconueniēt  
de dire que la caule efficiente de la Pe-  
ste est vne substance venimeuse &

conta-



contagieuse, laquelle engendre pour le plus souuent la pourriture, comme vn moyen pour la conduire à la fin, & sur cette rencontre nous pourrions chercher le remede, suiuant la maxime proposee, mais vne obiection nous arreste encore.

C'est que nous disons en general que la cause efficiente de la Peste est vn venin contagieux, terme trop vniuersel pour de luy prendre assurémēt la mesure de nostre intention, il y a plusieurs genres de venins, ils ne sont tous contagieux, & de ceux cy il y en a de plusieurs especes: il s'ensuit donc que pour dire que c'est vne substance venimeuse & contagieuse, que cela n'enseigne pas assurément le remede qui peut cōsister en la specialité, comme son venin.

I'auouë que venin est vn genre qui contient plusieurs especes generales, Qu'il y  
plusieurs  
sortes  
venins.

& puis de tres-speciales, neantmoins il y a vn tres-grand rapport entre tous, de quelque condition qu'ils soient, ils trauaillent tousiours par la propriété de toute leur substâce, & ont tous cette commune affection de tēdre à l'extinction de la vie. Car venin n'est autre chose qu'une maligne substance, portant l'image de la mort, & la puissance de destruire le subiect contre lequel elle agit: Aussi celuy de la Peste le plus general a conuenance avec tous, voire les contient tous en puissance, tant celui des mineraux, vegetaux, que des animaux. Encore a-t-il cela par excellence, qu'il est le plus contagieux: cette conuenance est manifeste par leurs communs accidens, & moyens de cures. La picque du Scorpion cause vne sueur froide partout le corps, les cheueux herissent, les membres se descolorent, vomissement arriue, la bouche

extinction  
venin.

reils ac-  
lents en  
picque  
scorpio  
à la pe-

escume, & si la picqure est aux basses parties du corps, tumeur vient en l'eine, si au milieu, sous l'aisselle, vraye image de la Peste. Il y a des morsures de Serpents qui causent vne soif intolérable, d'autres vn assoupissement, d'autres des resueries, des tiemblemes & autres accidens familiers à la Peste: Pour la cure, l'experience fait iournellement veoir que ce qui sert de precaution & de curation à l'vn, est tres-vrile à l'autre, toutes les plantes, suc, larmes, fruiets, gommes, resines, mineraux & animaux, & tous les contreuenins conuiennent à la cure de la Peste & aux venins. Le Scorpion est remede à la picqure, & son huile à la Peste. La Scorfonera est remede tres-present à la morsure du Vipere, & tres-salutaire contre la Peste: la chair de la mesme Vipere est remede de precaution & de curation à la Peste: la Ruë

*Les venins  
des con-  
les ven-  
le sont es-  
core con-  
la peste.*

tuë nôbre de bestes venimeuses, aussi est elle remede à la peste, de mesme le marrube odorant, & l'herbe vulgairement nommée l'herbe à chat, le Crapaut tuë de sa baue, son corps seché mis sur le bubon en attire le venin si puissamment que de sec qu'il estoit il paroist vif tant il deuient enflé, ainsi par mille experiences sensibles la raison est forcee de receuoir cette conuenance, qui est telle que quiconque aura vn alexitaire contre tous les venins aura sans doubte vn remede contre toutes pestes, quoy qu'elles varient selon le venin qui les a suscitées: car le special est assuietty au general, ioinct qu'en ce sujet la generalité est mieux apperceue que la specialité, l'on cognoist plus facilement que c'est vn venin contagieux qui a tué que de sçauoir quelle espece de venin, nous n'en voulons pourtant demeurer là. Il nous

faut descendre s'il est possible aux plus basses especes de ce venin pour la distinction des pestes , afin que nostre maxime reçoive plainement ses estendus.

Maïs nous auons dit que le venin de la peste auoit ce meschant aduantage sur les autres d'estre plus contagieux: cette contagion ( pourra-t-on demander ) ne rend elle pas sa guari-son plus difficile , à cela il me semble que ie peux respondre assurément que non, parce que la contagion n'augmente pas la cause finale du venin qui est de tuer, seulement le rend elle plus communicatif: Car contagion n'est autre chose que la vertu communicable du venin aux corps susceptibles de le receuoir , soit par transplantation seminaire , ou par conuenance de telle substance venimeuse à telle substance, l'vne introduit nouuellement le ger-

*Le venin  
la peste  
tagieux*

*De se  
de co  
gion.*

me du venin, & l'autre ne fait que res-  
 uiller le venin proportionel à sa natu-  
 re, qui est caché & assoupi au corps,  
 ainsi que nous auons dit qu'il eschet en  
 la petite verolle & rougeole, laquelle  
 contagion se fait par trois moyens, sça-  
 uoir par contac du malade au sain, ain-  
 si que la pomme pourrie gaste sa pro-  
 chaine, par reserue quand le venin est  
 caché dedans les habits ou meubles, ou  
 quelque autre sujet, comme linge, lai-  
 ne, plume, paille, poil, cuir, bois & sem-  
 blables: ou il se garde quelque fois plu-  
 sieurs années, n'allumant la maladie des  
 long temps se sembloit esteinte: & la  
 troisieme est par distance & par la cō-  
 munication de nostre air nourrisier,  
 estant transporté & engrossi des lemē-  
 ces venimeuses & contagieuses, les-  
 quelles comme spirituelles (ou for-  
 melles si l'on veut) vaguent iusques à  
 ce qu'elles ayent rencontré vn sujet

is moyē  
 la con-  
 ion.

pour agir, selon lesquels moyens contagieux sont necessaires quatre choses, le sujet touchant, le touché, le venin & la distance.

Descendant donc de la generalité à la specialité de la cause essencielle de la peste, pour faire valoir nostre maxime, il nous semble qu'il n'est point hors de raison de diuiser le venin en quatre classes suiuant les quatre qualitez desquelles il peut estre accompagné, & qui luy seruent comme d'instrument pour le conduire à sa fin, soit qu'il soit extraict de la famille des minéraux, des vegetaux & des animaux, car veritablement le venin se rencontre en tous ces trois regnes des corps: & ce semble cōme vn agent vniuersel de corruption & de destruction en la Nature, ainsi que le feu l'est en l'Art, & quoy que personne iusques à maintenant ne nous ait expliqué ces choses, si

*Diuisio  
venin  
quatre.*

*Le v  
en tro  
res des  
comm  
agēs d  
struēt.*

est-ce que sa puissance & ses prodigieux effects nous obligent à le recognoistre ainsi.

C'est, ce crois-ie, ce qui a poussé vn nouveau Docteur d'en faire vne cinquiesme cause des maladies, & vn de nos contemporains vn quatriesme genre d'infirmitez, le premier nous assure qu'il n'y a point d'Aliment qui ne contienne vne essence nourrissiere, & vn venin contraire à cette essence & à la vie; que si la faculté digestrice est debilitée, que le nourrissemēt se pourrisse au lieu d'estre digéré, que de la se fuscite le venin, la ruine du corps & de la vie, comme aussi des excrements retenus & pourris. L'autre s'efforce de prouuer qu'il y a des maladies causees par le venin, que telle infirmité sont substances, & que les plus dangereuses & fascheuses viennent de cette part.



A l'aduenture telles imaginations iointes à la consideration que les principales actions dependent des formes, ont elles fait penser à quelqu'vns que tout estoit en tout, & que l'homme comme vn autre monde contient en soy les semences de toutes choses, que les maladies estant substances qu'elles ont leur germe, & qu'elles sont en l'homme, soit de premiere conformation ou de transplantation, ou elles paroissent par l'ordre de leur predestination ou de la sienne, à quoy elles sont suscitées par le desordre interieur ou exterieur, quand elles y ont quelque conuenance: seló cette Philosophie ils disent que les remedes doiuent estre tirez des subjects qui cultiuét la santé & estouffent ou empeschent le germe des maladies, voire en rendent le champ infertil, sçauoir s'ils ont bien rencontré, ce n'est pas nostre dessein de le poursui-

ure ; mais de dire qu'il y a quatre especes generales de venins , selon les quatre generales qualitez dont ils l'accōpagnēt, sçauoir du feu, de l'air, de l'eau, & de la terre , lesquels encore se peuuent diuiser suiuant les especes de venins qui sont en ces elemens, soit des animaux, ou des vegetaux, ou des mineraux.

*diuisiō de  
Peste.*

Je dis donc qu'ainsi qu'il y a des venins qui s'accompagnent des qualitez du feu, de l'air, de l'eau, & de la terre, qu'il y a quatre especes generales de Pestes qui en prennent leur cause, lesquelles vnies aux qualitez elementaires, se trouuent compliquées de semblables accidens que causent maladiuement les quatre humeurs, selon lesquelles coniointement à la cause venimeuse nous pretendōs trouuer nos remedes, & dresser nostre methode curatiue.

Les Pestes se pourroient encore  
 sous-diuiser analogiquement en au- *sons de*  
 tant d'especes qu'il y a de sortes de ve- *sion de*  
 nins en chaque element, selon les es- *peste*  
 peces des trois conditions des corps, *analoge*  
 mais dautant que l'experience ne s'est *aux*  
 point estenduë iusques là, nous les lais- *nins.*  
 serons pour vn plus grand loisir, nous  
 contentant de parler de ces quatre es-  
 peces generales tres-cognuës.

Ces conceptions estant receuës, *Desins*  
 nous pouuons dire que la Peste est vn *de la p*  
 venin contagieux, tres subtil, voire  
 spirituel, ennemy de la vie de l'hom-  
 me, qui ordinairement fait son pro-  
 grés par pourriture, ou tuë soudaine-  
 ment.

Nous entendons icy pour la Peste *Que*  
 la maladie ainsi vulgairement appel- *que pes*  
 lee, en laquelle paroist bubon ou char-  
 bon, sous laquelle, comme genre,  
 sont comprises toutes les maladies ve-

nimeuses & contagieuses, tuant tres-promptement, & qui arriuent de siecles en siecles, soit coqueluches, trouf-segalant, disenteries, pleuresies, fieures purpurees, & autres de semblables conditions.

*surquoy  
inie sub-  
stance.* Nous le definissons comme substāce & non accident, car le venin est icy la maladie qui blesse les actions premierement & par soy, & ce venin est substance.

*diuision  
la peste  
eux, c.  
la cause  
rne &  
rne.* Selon la cause interne & externe, elle est diuisee en deux especes, & puis en quatre, selon les matrices generales d'où fort le venin, & selon les qualitez qui l'accompagnent, desquelles la commune affection est d'estre contagieuses: la difference des deux premieres est seulement en la cause interne & externe, & puis en quelques accidents particuliers à chacune, sçauoir l'interne d'estre plus prompte en son action

& de faire son progrès sans bubon, l'autre au contraire; la difference des quatre procede de la nature du venin & des qualitez dont il s'accompagne, lesquels vnis produisent des symptomes particuliers, qui les diuisent & distinguent entr'elles, dont elles sont cognuës.

*Differ  
des peste*

Or toutes les Pestes sont ou futures ou presentes, toutes deux ont leurs signes, mais differens.

*Signe  
la peste  
ture en  
neral.*

Ceux de la Peste future, se prennent des mouuemens vniuersels, ou particuliers des choses naturelles; & se nōment pronostics. Les premiers sont tirez du Ciel, selon les diuerses positions & rencontres des Estoiles, & de quelques Meteores. Les autres des euenemens sous-lunaires.

Les Astrologues disent que les Eclipses, soit de Soleil ou de Lune, qui se font en la triplicité aïree ou aqueuse,

principalement au Scorpion, en la queue du Dragon lunaire, regardees des mauuais aspects de Mars & de Saturne, signifient volontiers de grandes & generales Pestes. Comme aussi les conjunctions des superieures Planettes, les Estoiles nouuelles & les Comettes, ils obseruent encore les reuolutions annuelles du Soleil, son entrée es equinoxes & solstices, selon qu'elles sont bien ou mal disposces, ils en tirent leurs pronostics, les rapportans à tels Zenits & à tels Orisons: & si l'air est menacé de Peste, ils diront de quelle matrice sortira le venin, de l'eau ou de la terre, sur quelles personnes, masses ou femeles, jeunes ou vieux, petits enfans ou adolefcens. Cette année 1623. le Soleil faisant son entree au premier poinct du Mouton de la neuuesme Sphere, le Lion montoit sur l'Orison de Paris, & la fin du

du mouton occupoit le Zenit , Mercure seigneur de la Vierge , que les Astrologues disent estre l'Asterisme influant pour Paris, estoit lors au neuvieme espace du Ciel, au quarré aspect de Jupiter logé en la douzieme partition du Ciel, conjoinct platiquemēt à Saturne retrograde, & la Lune qui signifie le peuple estoit aussi lors en la cinquieme maison, par illemēt iointe au cœur du Scorpion, estoile de la premiere grandeur de tres maligne & venimeuse nature, non loing d'eux estoit le malicieux Mars qui seigneurioit en partie la sixieme maison dedee aux maladies. Ces rencontres au iugemēt des plus subtils Astrologues menaçēt Paris de maladies venimeuses & contagieuses telles que sont les pestes, les pleuresies & disenteries , ce que confirme la teste de Meduse rencontree tres proche du Zenit, & la se-

conde conionction en nostre siecle de  
Iupiter & de Saturne en la triplicité  
Ignée de la <sup>3</sup>grande Sphère qui s'est fai-  
te le dixneuuesme iour de ce mois de  
Iuillet 1623. enuiron les sept heures du  
matin au sixiesme degré quarante &  
trois minutes du Lyon, la Lune lors  
estoit logee à la fin du Mouton avec la  
queuë du Dragon qui menace beau-  
coup pour les mois de Septembre &  
Octobre, & quoy que la conionctio  
de Saturne se soit faite en la premiere  
face du Lyon de la neuuesme Sphère,  
si estoient ils encore dedans les estoiles  
de l'Escreuille de la huietiesme Sphe-  
re, de nature aqueuse, de sorte que les  
maladies qui en sont signifiees seront  
accompagnees pour la pluspart des  
froides & humides qualitez de l'eau,  
elles commenceront tousiours par  
quelques frissons, & les bubons de la  
peste paroistront plustost en l'eine,  
qu'ailleurs



qu'ailleurs, la Lune placee dedans les chaudes Estoiles du Mouton y adioutera quelque chaleur, & dónera quelques bubons derriere les oreilles, les personnes les plus menassées sont les ieunes de mediocre aage, les filles & femmes, voire se pourroiet elles ietter dedans quelques couuents de l'un & l'autre sexe.

Quand aux predictions tirees des soubz Lunaires pour la peste future, elles se prennent du desordre de la temperature des saisons, des diuers & estranges Meteores, comme feux en l'air, Dragons volants & autres, des grands desbordemens des eaux, des tremble-terre, & de trop grandes generations d'insectes, comme chanetons, chenilles, mouches, souris, lezards, sauterelles, crapaus & grenouilles.

Or la peste presente en son sujet sera recogneuë par des marques genera-

*Signes  
neraux  
la peste  
les sou  
lunaire*

*Signes  
neraux  
la peste  
present*

les dont les vnes sont vniuoques & les autres equiuoques, les premieres paroissent au commencement & en son augmentation, au premier le malade sent vne defaillance generale en tous les membres, son pouls est foible & lent & son œil morne, & souuent le bubon deuanee ces signes: au second, charbon ou pourpre luy paioissent sur le corps, & son visage se rend terrible: les Equiuoques sont mal de cœur, vomissement, douleur & pesanteur de teste, frenesie, esuanoüissement, langue aride, pouls inesgal & tremblant.

unes par.  
u'pers en  
qualité  
ande.

Les signes particuliers de la Peste presente, accompagnez de la qualité chaude & de l'Element du feu, sont assez manifestes, la saison est excessiue-ment chaude, l'on voit de frequentes exalaisons, le chaud est sec & cuisant, les corps se desechent, les arbres paroissent roüiz & brüslez, & la terre ari-

de dōne des vapeurs d'odeur de fuye: le malade est continuellement endormy, n'ayant aucune soif, le touchant l'on le sent extremement chaud & bruslant, son corps est rougeastre, & le bubon luy paroist derriere les oreilles.

Quand le venin est en l'air les oy-  
seaux delaissent leurs nids, les aliments *signes  
caracter  
lon l'a  
ment  
l'air.*  
qui luy sōt exposez, soit pain, ou chair,  
ou poisson, s'empuantissent facilement:  
il est chaud & humide, espais, reland,  
remply de frequents brouillards, les  
pluyes sont ordinairement accompa-  
gnees de foudres, les fruiets se gastent  
& sont remplis de vers, les mouches,  
chenilles & sauterelles multipliēt plus  
que l'on ne veūt: le malade souffre  
douleur de teste avec resuerie, le front  
blāchissant ainsi que ceruse, la bouche  
liuide, retraction des nerfs du col, respi-  
ration difficile, & oppression d'esto-  
mach, le bubon luy viēt sous l'aisselle.

*es par-  
liers se-  
l'Ele-  
de  
W.*

 Ayant raport à l'Element de l'eau,  
 les lacs, estangs, marests & autres amas  
 d'eaux bouillonnét & iettent vapeurs  
 puantes & marefcageuses, l'eau tiree  
 de son lieu se corrompt facilement, les  
 poissons multiplient peu & beaucoup  
 meurent au fray, les Grenouilles, Cra-  
 paux & autres insectes des eaux multi-  
 plient à foison, mesme les Grenouilles  
 ont des taches noires sous la langue,  
 & les trouue-t-on entassees les vnes  
 sur les autres; Les malades souffrent  
 vne soif excessiue, & neantmoins ils  
 ne veulent boire, les leures & paupie-  
 res leurs enflét & les pieds iusques aux  
 genouils, quelques taches rouges leur  
 paroissent aux cuisses, & ont peu ou  
 point de sommeil, le bubon vient aux  
 aines.

*es par-  
liers se-  
l'Ele-  
de la*

 Que si la terre exale le venin, les tau-  
 pes fuient leurs trous & se trouuent  
 mortes sur les champs, les animaux

abandonnent leurs cauernes, il arriue plusieurs tremble-terres, fuiuis de sterilité, & quantité de venimeuses insectes s'engendrent, comme souris, mulots, muléreignes, courteilliers & autres, de fois à autre l'on sent des vapeurs pourries & puantes, comme arsenic, les arbres demeurent languissans, & leurs fruiets cheent auât la saison. Le patient est enseuely dedans vn si profond sommeil, que difficilement s'en reueille. Il le bubon n'a point de lieu assuré, & tres-ordinairement il n'arriue que charbons avec vne grande noirceur vniuerselle en la peau, secheresse de langue & manie.

Or tous ces signes, tant generaux que particuliers de la Peste future & presente sont communs, à celle que la cause interne engédre aussi bien qu'en l'externe, cela seul excepté, que de l'interne iamais ne paroissent bubons. Et

le a telle communauté avec l'interne, parce que les mêmes qualitez qu'acquiert le venin au dehors, elles sont contenues au dedans de l'homme, & les mêmes matrices qui le produisent en l'un, le produisent en l'autre.

*pourquoy* Mais, dira t'on, pourquoy la Peste  
*peste de* ayant vne cause externe engendre-t-elle  
*se exte* le plustost des bubons, que l'autre? ie  
*paroit* responds qu'il y a quelque apparence  
*est ost par* de cela, telle generation au corps hu-  
*bons que* main ne se fait sans lieu où la semence  
*le de la* venimeuse germe, & prend augmen-  
*se in.* tation, après elle vise au sujet contre  
*ne.* lequel elle doit trauailler, qui est le  
 cœur, par le consentement de tous les  
 Medecins, cōme à la source de la vie;  
 que si elle tend au cœur, il n'y a pas  
 d'apparence qu'elle quitte cette vîlee  
 & son inclination, pour paroistre der-  
 riere les oreilles, où sous les aisselles,  
 où bien en l'eine, lieux qui sont extre-

mes à son but : de dire que c'est la nature combatant le venin qui le iette du centre à la circonférence, il n'est pas probable, l'euenement parle au contraire, en ce que si la Nature auoit eu la puissance de chasser le venin des regions du cœur : aux esloignées parties du corps, elle auroit esté la plus forte, & l'auroit surmonté, finissant la maladie: mais il en va autrement; l'on a veu quelque chose de semblable de plusieurs morsures de viperes: si ceux qui en sont blesez succent leurs playes, comme il est arriué quelquefois, le venin tendant au cœur, y court par ce moyen avec telle viftesse, que la mort est iointe à cette action : au contraire, s'ils laissent trauailler le venin, il ne fait son trauail qu'avec progrès de temps, & donne le loisir de le combattre, la partie offencée l'enfle, & peu à peu l'enflure gangne & chemine droit.

contre la source de la vie, qu'elle tarir-  
roit s'il n'y estoit preueu. Cela est en-  
core vray-semblable, que telles Pestes  
ont leurs causes du dehors, comme  
vne picque ou morsure de serpent:  
c'est que les vrines, les autres excre-  
ments, le poulx & le visage ne chan-  
gent point iusques à ce qu'elle ait pris  
son progres de penetrer le dedás, ainsi  
trompent elles ordinairement les plus  
doctes Medecins.

Mais, repartira quelqu'un, le venin  
qui est en l'air peut-il pas estre respiré,  
comme celuy de la Vipere est succé,  
& pour cela donner la mort soudaine,  
i'aduouë qu'il pourroit estre ainsi l'air  
estant tout venin, & qu'il fust de telle  
vigueur que celuy de la vipere, ce qui  
ne peut eschoir de la sorte, ou il fau-  
droit qu'un chacun en fust blessé. La  
peste ne court pas comme le feu de  
maison en maison, elle en frappe par-



cy, par là, & va blessant ceux qu'elle rencontre, l'air en est seulement ensemençé de mesme qu'un champ de terre auquel un vent espanche la graine çà & là, elle tombe icy sur une pierre, & là dans la terre, où elle germe, où encore il en arriue comme d'une vermine esparse sur un grand lieu, un crapault là, icy une vipere, delà une araigne, de l'autre part une chenille, ou tel autre venimeux animal, quoy qu'ils soiēt bien espois, si chemine t'en sans leur marcher dessus; & puis l'on peut penser que le venin sortant de son chaos tient encore du desordre, il est besoin que pour agir selon sa fin, qu'il ait pareil rapport à certaines parties du corps humain, que l'aymant au fer; de toutes parts l'aymant n'attire le fer, mais seulement par un endroit, par la raison d'un ordre que la Nature a mis aux choses. Dauantage, & outre cette

*pourquoy* vniuerselle contemplation, c'est que  
*peste de* ces lieux du corps sont de substance  
*cause ex-*  
*ne* prèdrare, spongieuse, & glanduleuse, & les  
*derriere-* journaliers emôctoires de la sueur ex-  
*les oreil-*  
*sondes* crementeuse, par où continuellemēt  
*telles &* le corps esuapore vne matiere pourrie  
*x eues* de grande conuenance avec le venin  
*non ai-*  
*es.* de la Peste, aussi est-ce le lieu de son  
 aymant. Que ces parties ne soient de  
 telle constitution, chacun le sçait, les  
 petits enfans pour auoir le derriere des  
 oreilles, les aisselles & les eues couuer-  
 tes, ils les ont puantes, tesmoignage  
 assuré de leur putrefaction, nulle part  
 ailleurs, quoy que caché & eschauffé  
 il n'en arriue de mesme; & si ce n'estoit  
 le soin qu'en ont les meres ou nourris-  
 ses de les rafraischir souuent de linges  
 blancs, sans doute ces parties s'ylcere-  
 roient, ces mesmes endroicts aux hô-  
 mes rendent vne odeur, sinon bien  
 puante, au moins d'espaule de mou-

& ton rostie, qui plus, qui moins, car tous  
 les iours telles cmonctoires rendent  
 leurs excremens plus ou moins puants  
 selon la bonne ou mauuaise disposi-  
 tion du sujet, c'est donc pour ces rai-  
 sons que le venin de la Peste pose plus  
 tost son cêtre en ces parties qu'ailleurs.  
 Que si l'on adiouste cette autre que-  
 stion, pourquoy ne prendra il pas aussi  
 tost aux autres yssues des excrements  
 qu'à celles cy? ie responds. que ces par-  
 ties sont de nature spongieuse & atti-  
 rante, leurs deiections fuligineuses &  
 subtiles, & sont tres-proches des offi-  
 cines des esprits ou facultez, vitale,  
 animale, & naturelle, cōtre lesquelles  
 le venin tire & se dresse.

Or ceux qui sont le plus volontiers  
 atteints de ce fascheux mal, sont les  
 corps mols, de facile resolution, les fil-  
 les & femmes, sur tout celles qui sont  
 grosses, & celles à qui les purgations

Pourquoi  
 plus tost  
 ces emor-  
 toires qu'  
 aux autres

Ceux q  
 sont le pl  
 volontiers  
 atteints  
 peste, pr  
 supposé q  
 l'influan  
 ne l'ait  
 mitee à  
 sujet.

naturelles sont arrestees, ou n'ont encore flué, les pauvres viuans salement, les luxurieux, les timides & craintifs, souuent elle suit les familles par l'analogie du sang, & quelquefois aussi elle ne saisira que les vieilles ou ieunes personnes: car rarement produit elle mesme effect, la derniere est tousiours dissemblable de la deuanciére, vne mesme methode ne profite à toutes, sinon entant que venimeuses.

*Pronostics  
e conua-  
lescence ou  
e mort.*

Tant de diuersitez rencontrees en cette contagieuse infirmité, confusément obseruees de nos deuanciers, n'ont seulement donné de la difficulté à l'application des remedes pour la precauñ & garison, mais encore aux pronostics de conualescence ou de mort: les maladies aiguës & violentes esquelles ne se fait nulle digestion de l'humeur peccante, & par consequent nulle crise, ne sont faciles à iuger. La

Peste est de telle condition, souuent le venin a suffoque' auant que l'on ait peu cognoistre son progrès, quelque-fois aussi elle degenerate en autres tres-fascheuses indispositions, laissant des marques de sa malice, les vns en sont esborgnez, les autres aueugles ou sourds, ceux cy boiteux, ces autres paralitiques ou priuez de voix, & quantité de mauuais accidents qui la suivent en queuë, ces difficultez pourtāt ne nous doiuent arrester.

Il c'est rencontré des hommes qui à la premiere veuë & au seul aspect, cognoissoiēt si le malade deuoit eschapper ou non, & qui ont emporté avec eux les signes de cētte cognoissance, au cas qu'elle ne depēdist de quelque faculté incommunicable, & hors de science. Pour nous, en ce qui concerne les pronostics de conualescence & de mort, la force de la vigueur natu-

*Difficile  
pronostica-  
tion de la  
peste,*

*Pronostic  
par la vi-  
gueur la  
premieres*

*Pronostics  
ENCHAMX  
E MATS.*

relle est nostre premiere contempla-  
tion, parce que d'elle, secouruë de l'Art  
depend la faculté de combattre & re-  
pousser le venin, le remede, quelque  
excellent qu'il puisse estre, ne produit  
pas de grands effects quand la vigueur  
est abbatuë & mourante: D'elle apres,  
nous obseruons les signes generaux &  
communs à toutes maladies, & puis  
les vniuoques de celle cy. Grande ta-  
curnité à celuy qui a coustume de  
beaucoup parler: & au contraire, ges-  
tes continus & grand babil au discret:  
perte de la cognoissance, & principa-  
lement des domestics: veuë & ouye  
hebetees, les extrêmittez froides & li-  
uides, les ongles noirs, amassement de  
couuertes, ou de flocons, sommeil la-  
borieux & sans soulagement: pouls  
desbille, accompagné de resuerie, la fa-  
ce plombée & terreuse, les temples  
serrees, le nez aigu, les yeux enfoncez,

les paupieres & les levres passées, la peau du front tendue & dure, sont indices de mort prochaine en toutes infirmités, aussi sont la respiratio empeschée avec souldairs interrompus, pouls fourmillant, inégal & tremblant, sueur froide & puante au front ou à la poitrine, le corps tantost chaud & soudain froid. Les vniuersques de la Peste sont Bubons, soudain apres auoir paru s'éuanoüissent, complications de pleuresie, de squinacie, de phrenesie, de diarree, de lienterie, de dysenterie, de suppression d'vrine, de vomissement de matiere atrabilaire, seignement de nez aux hommes, menstruës intempestiues aux femmes, ou flux hemoroidal, endormissement continu, corps liuide & plombé, cracquement des jointures, palpitations de cœur violentes, éuanoüissement, puanteur d'haleine, charbon en la re-

*Pronost  
particuliers.*

Les meil-  
leurs signes  
la con-  
science.

gion du cœur, pustules noires, ou liui-  
des r'entrant au dedans, ou compa-  
gne de lassitude: lesquels paroissans  
soit vn ou plusieurs, ne pronostiquent  
que la mort; & plus il y en a, dautant  
le jugement est solide: car à dire vray  
ceste maladie est tres traïstresse & ma-  
ligne, & qui donne peu de signes de  
conualescence; les meilleurs se pren-  
nent de la vigueur naturelle, forte &  
puissante, de l'esprit fort & assuré ou  
peu changé, sans resuerie, de l'esto-  
mach peu affecté retenant l'aliment  
& le medicament, sueur vniuerselle  
accompagnee de force, faisant paroi-  
stre les taches, bubons & charbons, re-  
spiration douce, le cœur libre, la cou-  
leur & la chaleur du corps esgale, en-  
core ne s'y faut il pas trop fier: Il est  
souuent arriué que tels signes ont esté  
trompeurs, soit faute de secours ou au-  
trement: & au contraire, que beau-  
coup



coup de mauuais n'ont donné la mort, ce qui rencontre le mieux, cest la vigueur puissante & que l'on remarque de moment à autre s'euertuer, car la maladie estant soudaine, ou tuant promptement, ou finissant bien tost, si elle persiste en sa bonne action, elle surmonte le venin & redonne la santé, & quelques signes qui arriuent il ne faut abâdonner le malade ny le laisser sans secours qu'il ne soit mort.

La cause & les effects de la peste de-  
 duits à nostre possible, & les signes de  
 son euenement & de sa presence &  
 ceux encore de la conualescēce & de  
 la mort rapportees selon les diuerſes  
 experiences destemps; nous permet-  
 tent maintenant d'entrer en la contē-  
 plation de la cure, & de veoir si nous la  
 pourrons rencontrer par le moyen des  
 remedes pris de la cognoissāce de la  
 cause: car quoy que le mal soit grand

*Si par  
 causes de  
 peste l'  
 peut cogn  
 stre les r  
 medes.*

& falcheux & de douteux euenemēt, sine deuons nous pas quitter cette entreprife. Celuy qui commande que l'on honnore le Medecin pour la neceſſité, enſeigne aux humains que ſa miſericorde ſouuent aux choſes tres-difficiles ne laiſſe de ſ'accomplir ſur nous par les cauſes ſecondes, & que ſa benediſtion eſtenduë ſur les remedes eſt miſe en la main du Medecin craignant Dieu, pour en vſer au ſalut des languiſſants, car vainement n'a-t-il pas créé la medecine & conſtitué le Medecin fidel, ceſt aduis eſt de la part du Tout puiſſant à la cōmune vtilité des hommes, deſquels il demande le ſalut & non la mort.

deux ſor-  
tes de re-  
medes, l'un  
eſt l'eſſence  
de la mala-  
die, & l'aut-  
re eſt ſen-  
ſible.

Nous auons cy deuant dit que la cauſe eſſencielle de la peſte eſt vn venin volontiers accompagné de quel- qu'une des qualitez elementaires, & que les humeurs eſquelles il ſe ioint di-

uersifiant en quelque maniere son action, de luy & d'elles nous deuons prendre nos reme des, les vns des proprietez occultes qu'une longue experience nous a enseignez, estre alexitairres & du tout contraires aux venins, afin qu'opposant le contraire à son contraire nous demeurions dedans le terme de la generale maxime de la medecine, les autres dependent des qualitez manifestes, & de tous deux ensemble est dresse'e nostre methode curatiue, de laquelle nous parlerons au second traicté: Car auant que de passer plus outre à leur recherche, il est à propos d'esclaircir si cette fascheuse maladie peut permettre de la precaution comme les ordinaires infirmitez, veu qu'elle est tant subite & si pressante.

Le mal préueu longuement auant  
son action & dependant de la contin-

*Sçauoir  
peste p  
recevoir  
precau<sup>n</sup>*

gence peut receuoir precaution , la peste est de cette sorte , elle la peut donc receuoir. Elle varie, dictes vous, de temps à autre, & iamais la dernière n'est semblable à sa deuanciére, cellecy tuë plus soudainement , cet autre estoit accompagnée de tels & tels accidents , celle là est moins perilleuse peu en meurent, bref elles varient de siecle en siecle; le l'aduoue ainsi, aussi ne prenons nous pas tant d'estime aux accidents qui la peuuent differemment accompagner selon les diuers temps, qu'au venin generalement consideré, lequel estant son essence peut estre estouffé, & la peste empeschée. Mais pour cela, dira-t-on, il faut voir dedás le desordre de la Nature, & lire au liure du futur, sous le bon plaisir de la contingence , sans laquelle tous nos efforts sont vains. Car pour en venir à la precaution, il faut preuoir & preue-

nir le mal, qui se considere de deux fa-  
çons, l'vn diuertissant la cause non en-  
core-esclose de sa matrice generale,  
l'autre paroissant l'estouffer à sa nais-  
sance, afin qu'elle n'aye pas dauantage  
de progrès. Pour le premier, il semble  
presque impossible, quel moyé d'em-  
pescher que les Elemens, comme ma-  
trices generales des diuers produicts  
ne donnét vie à leurs fruiçts, du nom-  
bre desquels le venin se trouue, & des  
plus móstrueux, il faudroit en cognoi-  
stre la semence pour en rompre le ger-  
me: Mais qui peut empescher que l'air  
d'vne ville, voire de tout vn pays, ne  
soit venimeusement infecté, ou que  
la terre n'exale son poison, & les eaux  
n'éuaporent leurs esprits, estouffe vie,  
iusques à maintenant aucun Medecin  
n'a esté tant industrieux, maintes vil-  
les par cette mesconnoissance ont esté  
despeuplees, & maintes armées mises

au neant sans combattre: car pareils accidens arriuent aux grâdes assemblees des hommes à la campagne, qu'és populeuses Citez; y penſez vous donc mieux rencontrer que les autres? le reſpons ingenuëment que non, ne me voulant pourtant diuertir d'en faire la recherche à l'auanture, la cauſe generale ſur laquelle ie me fonde me fournira-t-elle quelque aduis, eſtant pour vray-ſemblable, que quiconque aura remarqué les matrices du venin, ſes mouuemens, & les ſignes precedents qu'il pourra deſtruire leur germe: ſi l'on repart que ces ſignes ne ſont pas ny bien cognuz, ny bien ordinaires: ie diſ qu'il ne m'importe, & qu'il ſuffit d'auoir la cognoiſſance des effectſ paſſez, pour les comparer aux preſents, & par poſſibilité aux futurs, appuyé de cette verité, que toutes peſtes ſont venimeuſes & contagieuſes, que nous

pouuons chercher nos moyés de precaution. Ceux qui logent des Boucs dans les estables avec les cheuaux, c'est pour seruir de precaution à ces animaux cõtre leurs maladies, les vapeurs de tels corps sont alexitaires aux maux contagieux du Cheual, comme le Farcin, mal qui se resueille plustost en nõbre de cheuaux assemblez qu'à vn seul, de mesme le Claucau aux Brebis, & les Soyas aux Pourceaux, ainsi que la Peste qui se manifeste plus ordinairement es armées & grandes villes, qu'es hameaux & villages, es vnnes plustost qu'es autres, soit pour la raison de leur fondation, situation, forme de viure, & nature du peuple, soit autrement: Ce qui peut le plus nuire à ce dessein, *Empesment* c'est la grandeur des villes, comme *precaution* l'immenfité de Paris, où l'on gauchit *à Paris* de la iuste rigueur des loix de la police, où la populace estourdie, maigre, se-

che, pauvre, sale & fangeuse , est tres-  
desobeyssante , & où chacun ne vou-  
droit contribuer à ce commun bien.  
Et toutesfois, aussi tost que ce balet du  
peuple paroist , la crainte & le soucy  
saisissent de telle sorte les pauvres &  
les riches, qu'il semble que Dieu les ait  
abandonnez en proye au venin, & que  
la mort les vient surprendre pour ha-  
biter en autre lieu que celuy que pro-  
met le Sauueur aux siens: les Leuātins  
ne donnēt aucun ordre à ce mal, aussi  
ne l'apprehendent-ils pas, il leur est fa-  
milier ainsi que la fieure, la rigueur ne  
les empesche de se visiter les vns les  
autres , & de se prester vn mutuel se-  
cours, les habitans de Constantinople,  
maintenant appellé Stamboul, pareil-  
ment ceux du grand Caire , quelque  
grande que soit la peste , iamais ne rô-  
pent leur commerce. Si donc parmy  
nous l'apprehension d'vne telle infir-

*Malhe-  
tans ne  
reben-  
nt la pe-*



mité nous traualle , que n'y donnons nous ordre, & que n'essayons nous de la repousser, voire de la suffoquer ? il y a de l'apparence que les remedes generaux alexitaires qui rompent & destruisent le venin , en pourroient empêcher le progrès.

Quelque grande que soit la Peste en Egypte, aussi tost que les vents Etesiens soufflent, elle cesse : comme au contraire, elle se réveille par les vents qu'ils nomment Campsin ; si les premiers souffloient continuellement, ils pourroient auoir tréue de cette facheuse infirmité, mais ils suivent les ordres du temps, tels que leur a prescrit la nature, qui les pourroit esmouuoir hors de leur saison, & subuertir le cours de cette Dame de l'vniuers, car ils ne soufflent qu'en l'accroissement du Nil, & durant son inondation, les premiers iours de Iuin les voyent nai-

*Vents Etesi-  
siens font  
cesser la P  
ste en Eg  
pte, & la  
Campsin  
la reueill*

*naissance  
et fin des  
Etesiens.*

stre, & ceux d'Octobre mourir : en  
nostre climat il ne nous souffle de tels  
vents, ceux que nous appellons du  
Nord, Nord est, sont bien salubres,  
mais ils ne le sont iusques au point de  
nous esteindre la Peste, si elle estoit al-  
lumee, & puis ils ne nous sont conti-  
nus: aujour d'huy ils esuenterôt nostre  
air, demain ils cesseront, & les vents  
du Sud, qui nous sont esgauts aux Câ-  
psias pour l'Egypte, nous visiteront:  
& quand tous les vents froids de no-  
stre region auroiét telle vertu, le moyé  
de les faire souffler lors que nous en  
auons besoin? est-il possible de ranger  
les mouuemens absolus de la Nature  
à nostre volonté? non, ce n'est pas de là  
que nous deuons esperer nostre se-  
cours, il depend des causes que nous  
ne pouuons mouuoir; voyons seule-  
ment si de la nature des vents Etesiens  
nous pourrions tirer quelque secret

aduis pour nostre intétion, & sçachôs  
 pourquoy ils ont la vertu de resister à  
 ce venin. Ceux qui ont cy deuant dis-  
 couru de l'effect de leur proprieté ont  
 assez fidelement obserué que iamais  
 ils ne soufflent en cette region que pé-  
 dant l'accroissement & l'inondation  
 du fleuve, que leur commencement  
 & duree ne se diuersifient par les an-  
 nees, mais tiennent mesme ordre, &  
 que pendant que tels vents soufflent  
 en Egypte, ils ne regnēt pas tousiours  
 aillicurs, & qu'ils ne sont vniuersels,  
 d'où il s'ensuit qu'estant ainsi mesurez  
 qu'ils sont particuliers à cette prouin-  
 ce; sçauoir ores quelle est leur cause, &  
 de quelle matrice ils procedent, il est  
 vray semblable qu'estant particuliers  
 que leur cause l'est aussi.

*Etesse  
semblable  
d'annee  
autre,*

*Etesse  
vents p  
ticulier  
pour l'E  
pie.*

La cause de la generation des vents  
 selon Aristote n'est autre que l'exalai-  
 son, dont il faiet plusieurs demonstra-

*La c  
de la g  
ration  
vents  
Aristo*

tions qui ne respondent à toutes les apparences, plusieurs vents s'esleuent à la fonte des neiges, & par les grandes pluyes, il faut en leur generation fuer sang & eau pour l'accommoder à l'opinion de ce maistre, celle que nous voulons proposer semble mieux rencontrer, elle sera estimee n'estre autre que celle d'Aristote pour la raison de la cause materielle: mais n'é desplaise à ceux qui la voudront iuger ainsi, il y a de notables differences, les exalaisons sont substances purement chaudes & seches, ou à mieux dire, sulphurees, capables d'inflammation, les nitres caulez des vents ne reçoient tous le feu, leur propre est la resolution & fusion, & par accident la putrefaction, la premiere se faiçt à l'humide, la seconde au chaud, & la derniere par le meslange, de là vient la diuersité des vents, j'entends vniuersellement pour ni-

*se des  
es par-  
siers.*

tres, toutes substances salees soit sel marin, armoniac, alun, vitriol, gomme, salpestre & autres, & particulièrement pour nitre, le salpestre de nature hermaphrodite qui reçoit en quelque maniere le feu, au moins sa substance en est elle excitée, ie dis donc que tous les vents particuliers sont engendrez de la resolution ou fusion, ou putrefaction de quelque sel. ( Car ie laisse les generaux à autre saison ) & selon leur meslange que les vents sont diuersifiez & sont salubres ou maldifs, la Nature & l'Art nous font co-

*Experien*  
*artiste &*  
*naturelle*  
*de la gen*  
*ration des*  
*vents.*

gnoistre leur generation, le salpestre pur & degressé nous fait les vêts froids, si vous en enfermez en quelque lieu qui n'ait qu'une issue & que vous approchiez de la bouche de ce lieu du feu qui de sa chaleur fonde le nitre, il en sortira un vent tel qu'il allumera de plus en plus ce feu & durera ius-

ques à ce que l'un ou l'autre soit vſé, cela meſme paroist en l'artifice de la pouldre à canon, car ce n'est autre que le vent de la fusion du ſalpeſtre qui pouſſe la bale, & plus le nitre eſt pur dautant l'effect eſt il violent, & la poudre excellente, ce que ſçauent tresbien les Salpeſtriers; Le Languedoc voiſin des montagnes du Giuodan & du Viuarets, qui le couurent du Nord, experimentent ſouuent la nature du nitre aux plus grandes chaleurs de l'Eſté: car ſortant aux champs ſur les vnze heures & midy iuſques à deux & trois heures que les bruſlans rayons du Soleil fondent le nitre recelé dedans le ventre de ces montagnes, il ſouffle des vents tellement froids que la plus forte biſe de l'Hyuerne l'eſt pas dauantage, leur faiſant nacqueter les dets du froid qu'ils ſouffrent, au moins en arriue-t il ainſi s'ils ne ſe ſont pour-

ueus de vestemens contre cet inopiné accident, lequel est violent selon la quantité de la matiere, & qu'elle est eschauffée du Soleil, les lieux ou l'on purifie le nitre sont grandemēt froids & de leur ventre par cette resolution sort ordinaiemēt vn petit vent frais: car la matiere rarifiée pousse l'air, le vent n'estāt autre chose qu'un air agité par vne substance rarifiée ou mouvante, dont la qualité procede de la cause materielle. Or le nitre se rarifiant engēdre tousiours des vents froids & qui tirent du Nord au Sud par vn ordre de Nature, plus il est pur d'autant le vent est il froid & geiant, & au contraire mēslangé, il acquiert les qualitez de son mēslange. Les vents froids qui ont pour cause materielle la resolution ou fusion du nitre sont grandement resistans aux venins, & ce pour deux considerations, l'vne par la rai-

*Definition  
du vent.*

*Vents froids  
leur cause.*

*refroiden-  
my de la  
neration.*

son de la qualité froide qui excessiue  
quand elle arriue telle , resiste à plu-  
sieurs generatiōs qui ont pour instru-  
ment de leur action le chaud & l'hu-  
mide , l'autre que le salpestre arreste  
les venins minéraux procedans des  
reālgars, orpimants & arcenics , cela  
sçauent les Alchimistes.

*Cause des  
ents Ete-  
ens.*

Si donc les vents ont pour cause  
materielle la substance nitreuse , il est  
bien seant de voir s'il en est ainsi des  
Etesiens: regardant le temps de leur  
generation , leur progrès, leur duree,  
& leur fin , nous sommes comme  
pressez de l'aduouier, ils ne commen-  
cent que quand le fleuve du Nil des-  
borde, lequel grandement nitreux &  
plus qu'aucun autre que l'on ait des-  
couuert en toute la terre habitable,  
fust la riuierē d'argent des Indes Occi-  
dentales, non seulement charie dans la  
mer cette substance nitreuse dissoul-



te en ses eaux dès l'Ethiopie où il prend  
 sa source, mais encore résout & rarifie  
 celle des campagnes de l'Egypte lais-  
 sée par les limons précédens, & meu-  
 rée par le Soleil l'espace de sept mois  
 qui l'attire à la superficie de la terre en  
 tres-grande quantité: de laquelle réso-  
 lution & rarification s'engendre peu  
 à peu, les fauorables vents Etesiens,  
 lesquels vont croissans iusques à ce  
 que le fleuve ait atteint son plein des-  
 bord, lors ils demeurent quelque tēps  
 en estat & finissent en Octobre qu'il  
 est retiré en son lit, ils sont d'autant  
 plus sains qu'ils ont pour cause con-  
 jointe le sel marin, car au mesme  
 temps que le fleuve descharge ses on-  
 des dedans la mer par ses sept bou-  
 ches, le nitre en quantité, & le sel des  
 eaux marines joints ensemble font  
 par leur mutuel attouchemēt & mes-  
 lange vne legere ebullition rarifiante

Pourquoy  
 les Etesi-  
 ens s'ass-

qui produit des vents secs & tres-sains,  
 & ce qui enseigne encore dauantage  
 qu'il en est ainsi; c'est que quinze lieues  
 auant en mer l'on ne les sent en aucu-  
 ne façon, & neantmoins par l'espace  
 de cinq mois entiers que le fleue  
 croist & descroist ils regnent sans re-  
 lasche, l'Art monstre en quelque ma-  
 niere cette generation, car meslan-  
 geant le pur nitre sec avec le sel ma-  
 rin, ils s'eschauffent & se rarifiēt à veuë  
 d'œil de leur concours, en la mer se fait  
 la fleur du sel que Plinē dit estre tres-  
 abondante és bouches du Nil & la  
 meilleure. Or que ces vents ainsi en-  
 gendrez ne soient tres sains & alexitai-  
 res contre les venins des plus fascheu-  
 ses pestes, il le faut conclure de la forte  
 par la nature de leur cause materielle,  
 L'on sçait que le nitre est vn tres pre-  
 sent remede à la morsure de plusieurs  
 animaux venimeux, que le sel cōmun

que c'est  
 la rar-  
 de leur  
 le ma-  
 elle.

refiste à la pourriture & au progres des venins, ceux qui prattiquent l'usage de leurs esprits cognoissent combien leur vertu a de puissance contre mille & mille fascheuses & venimeuses maladies.

Si les vents engendrez de telles substances ont vertu alexitaire & chassent les venins, pouuons nous pas en quelque maniere nous conduire par telle science aux remedes de la precaution ? mais auant voyons pourquoy les vents Campfins sont si fascheux.

De mesme que les Etesiens ont pour cause materielle le pur nitre avec quelque participation des esprits du sel marin, dont ils sont rendus tres salubres; les Campfins ont pour la leur le sel armoniac & l'alun avec quelque peu de salpestre; de leur meslange resulte cette qualité chaude & humide, estouffante & pourrissante, ils soufflent

*Cause  
vets C.  
fins.*

du Sud au Nord, le sel armoniac est le plus septique de tous les sels, au lieu de conseruer il pourrit, & sa substance a plus d'analogie aux venins des trois reignes des corps qu'aucun autre, les Serpents, Lezards, Scorpions & autres abondent grandement en sel armoniac, la Vipere n'a guere d'autre sel: Apres l'auoir exactement anatomisee en ses prochaines substances, elle m'a fait penser que le sel theriacal de Galien n'auoit telle vertu que l'on l'imagine, puis que par la brulure la Vipere perd sa plus efficace substance. Il en arriue de mesme à ceux qui brulent la corne de cerf pour la mettre dedans les medicaments alexitaires, n'y cherchant que l'astriktion qui est de tres-petite cōsideration, au prix de l'anti-venimeuse que l'on doit cherir & qu'ils ruinent, comme nous ferons veoir en vn autre lieu & à plus

le sel  
acal  
nciens  
pas  
chose

grand loisir: disons donc que les substances realgarees se joignent tres facilement avec le sel armoniac, & ne perdent en aucune maniere leur venin plustost est-il subtilié & renforcé, de mesme se dissout-il tres facilement avec le venin des plantes, ainsi le vent qui a telles matieres pour cause est grandemét propre à resueiller & susciter les semences venimeuses assoupies dedans les Elements & dans les corps, & à exciter les pestes selon que leurs semences ont de la conüenance à ces matieres. l'Art monstre quelque chose de telles generations, le sel armoniac meslé avec le nitre & l'Alun, puis pressé par le feu engendre des vents si impetueux que souuent les vaisseaux des pauvres Alchymistes en sont brisez, & eux endommagez tant par la vapeur grandement puante & nuisiue que par les esclats du fracas de leur

Caus

tres pr

à su  
la peste

Exce

Artis

ree de

perien

vstanciles, vn de ce mestier & de ma  
cognoissance faisant vne eau de ce sel  
accompagné d'orpiment en fut em-  
poisonné, dont il mourut de mesme  
ques'il eust esté frappé de peste.

Si ceux qui ne reçoient que les

les meil-  
les expli-  
cations de  
Nature  
pendent  
l'Art.

vieilles opinions pour veritables (eli-  
sant plustost de renoncer à leurs yeux  
qu'aux imaginations des anciés, dont  
ils font scrupule de douter) trouuent  
les generations des vents estranges, &  
les regardent de mauuais oeil, auant  
que les reietter si fort qu'ils prennent la  
peine de considerer les mouuements  
de la Nature & de l'Art en leurs ouura-  
ges, mettant vn peu les liures à part  
qui les ont rendus si sages, & encore  
despouillez d'une passion preoccupée:  
ie me promets qu'ils auoueront  
que les meilleures explications de la  
Nature dependent de l'Art & que les  
experiences valent mieux que tous

les commentaires des plus arguts, & s'ils apperçoivent quelque esteincelle de verité en ces conceptions tirees de plusieurs experiences qui les porte à desirer vne plus ample description de la cause & nature des vents qu'ils patientent vn peu, l'impresión d'vn traicté qui porte le tiltre de la Medecine naturelle & sensible, là ils trouueront cette matiere plus estenduë.

Mais vous aduoüant que les vents *Comme* ont des generatiós cõformes à vostre *les Ete* opinion, m'obieçtera-t-on; commët *ruiner* monstrez vous que les substances des *genera* Etesiens ruinent les venimeuses genera- *des cõ* tions des Campfins. Il me semble auoir cy-deuant dict que les qualitez du vent froid sont diametralement opposees à celles du vent chaud & humide, & empeschant le germe des semences venimeuses, outre cela opposant substance à substance, il est tres-

cognu que les esprits du sel marin arrestent ceux du sel armoniac , & que le Nitre , en faiët de mesme aux realgars & opimëts, l'Art rend ces ouurages obiects des sens & les experiences iournalieres en donnent la certitude, les Viperes engourdis par la frescheur des Aquilons ne sçauroient blesser ceux qui les touchent, & au soufflé de ces salutaires vents tous les animaux venimeux se cachët en la terre, la plupart des insectes meürent, & le reste se tapit, bref ces vents sont ennemis de qualité & de substance à beaucoup de venins, pour cela peuuent-ils esteindre la peste quand ils soufflët longuement, quand le vent de bise souffle continuellement , dit Hyppocrates, les corps sont plus robustes & plus cōdécez , la couleur meilleure, plus agils & le sens de l'ouye plus aigu , au contraire arriue-t-il quand le vent Au-



stral reigne.

Le mal cognu, & la nature des vents Etesiens, trouuons maintenant vn remede de precaution qui esgale la vertu de ces vents voire la surpasse, rectifiant tellement l'air en quelque lieu que soit l'assemblee des hommes, ville ou armee, qu'elle en puisse sentir l'effect, & que la peste cachee ou manifeste soit empeschee ou esteinte, l'vn auant qu'elle parroisse, l'autre auant qu'elle prenne vn plus grand progrès, & qu'elle moissonne les humains à plaine faucille, ainsi que fit Hyppocrates faisant alumer des feux pour sauuer les reliques d'Athenes desolé par la peste, ou comme ce Scite qui fit tuer tous les chiens & les chats de la ville, afin que pourrissant par les rues ils seruissent de correction à l'air infecté, remedes que nous pourrions proposer s'ils auoient to' siours profité,

mais ne s'estant rencontrez indifféremment vtils, soit pour la diuersité des climats, peuples, villes, & pestes, ou qu'ils n'ayent esté les vrayz remèdes à tel mal, non plus que ceux que la police faict obseruer, il nous en faut chercher d'autres qui soient plus vniuersellement vtils tels que ceux que la nature nous enseigne.

*Qu'il faut  
imiter la na-  
ture pour  
trouuer le  
reseruatif  
de la peste.* Car imitant la nature en ses effects, il me semble que si nous pouuons tirer quelque remède de ses entrailles pour preuenir la peste, que ce doit estre des mesmes substances dont elle se sert: Mais parce que nous ne la pouuons imiter de sorte que les mesmes ouurages s'ensuiuent, nous cherchons le moyé de la suiure au plus pres, nous ne pouuons faire des vents Septentrionaux qui puissent continuellement souffler par l'espace de trois ou quatre mois, seulement pouuons nous

faire des vapeurs qui tuent ou chassent les venins, lesquelles meslanges de la cause materielle des vents seront plus facilement receuës en l'air pour le corriger, car rarifiée que sera telle matiere, elle estêdra la nature alexitaire qui l'accompagne & tuë le venin espanché, voire par la respiration elle assoupira celuy qui vouloit germer au dedans des subjects ou ces venins croupissent.

Or ces remedes generaux de la pre- *Remede  
generaux  
preservati-  
ons de  
peste far-  
et piec*  
caution tant de la peste future que de  
l'apparente regardent la cause interne  
& externe, leur vſage sert à la purifica-  
tion de l'air, & à l'extinction du venin  
de telle matrice qu'il puisse sortir, l'air  
le plus commun aliment de l'homme,  
& duquel l'on ne se sçauroit passer,  
qu'Hipocrates nomme la nourriture  
spirituelle, estât bien pur, les corps qui  
le respireront en feront d'autât mieux

disposez. Le salpestre & le soulfhre meslez par esgales portions, & bruslez le reduisent à vnetelle pureté, qu'il ne se peut mieux, & le delgagent tellement de venin, que si les corps qui le respirent auoiet desia quelque atteinte de contagion, ils en pourroient recevoir vn notable secours, principalement le reïterant tous les iours, car ce que l'Art ministre, doit estre & continuellement & longuement obserué; & parce que ces remedes ne sont pas agreablas aux delicats, en voicy d'autres non moins efficacieux, salpestre, ambre iaune, escorce de bois de genevriér ou de son fruit par esgales portions, font vn parfun resistant à toutes pourritures & venins, les premiers peuuent servir aux pauvres, & estre prattiquez dedans & dehors les logis, principalement soir & matin, les seconds serviront aux riches & aux

delicats dēdans leurs logis.

Voila des remēdes generaux tres-fa- *Que ces re-  
medes sont  
vrais &  
bons.*  
ciles & de grande promesse dirōt ceux  
à qui la facilité n'est pas agreable, &  
qui ont mis toutes les causes & les plus  
puissantes vertus naturelles aux quali-  
tez elementaires. Mais ie leur reparts  
que la prouidence Diuine a mis de  
tres-grandes & de tres-rares proprie-  
tez aux choses les plus viles & basses,  
lesquelles sont ordinairement cognues  
par des pauvres idiots, à la confusion  
de ceux qui se pretendent les plus sa-  
ges, vn preneur de Vipere de Poictou  
se soucie aussi peu de la morsure d'une  
Vipere que de celle d'une mouche,  
pour auoir la cognoissance d'une tres-  
vulgaire plante qui le guarit inconti-  
nent & sans aucun mauuais accident.  
Si vn des plus habilles de ces sages &  
Docteurs estoit blessé d'un tel animal  
il n'auroit pas peu de tasche à s'en ga-

rir & sa cure ne s'acheueroit pas sans grand mistere, cet accident est arriué à vn Medecin François qui s'en souuiendra: l'ay rencontré en plusieurs prouinces de France des hommes que l'on nommoit. Des-aireux, qui par parfums nettoyoient les lieux pestiteriez, & cela tres-assurement, ils redoutoient moins la peste que la fieure, leur pratique procedoit de pere en fils.

Or pour monstrier aux curieux que ces remedes generaux & populaires que ie propose sont tres-conuenables à la precaution de la peste tant future que paroissant; ils m'aduoueront que les substances elementaires rarifiees passent d'Element en Element ou elles portent leurs premieres secondes & troisiemes qualitez: ainsi la terre rarifiee passe en l'eau, l'eau en l'air, l'air au feu, & tousiours la rarité se fait de-couple, montant de prochain en pro-

chain; au moins ainsi l'asseure de la sorte la vulgaire opinion. Cela estant il est manifeste que le Nitre ou le Soufre, ou autres substances rarifiees sont grandement estenduës, & qu'elles portent bien-loing dedans l'air leurs qualitez & vertus, & qu'estans de nouveau rarifiees, qu'ils les portent tres actiues contre leurs contraires, & pourtant tres-efficacieuses; de là peut on conceuoir qu'elles l'alterent, tel-moin l'odeur qui en reste du soir au lendemain, & du matin au soir: dont s'ensuit que si elles sont alexitaires aux venins, & empeschant la pourriture, qu'elles sont remedes à la Peste. Il faut ores monstrier qu'elles sont telles.

Il est au eugle de tres-crasse ignorance, qui ne sçait que le Nitre, de tres-subtile substance, penetre, rafraischit, deterge; est remede à la morsure des chiens, & à ceux qui ont mangé des

*Propriete  
du salpestr*

*Dioscori  
& autre*

Champignons, deseiche comme le fel, & penètre comme le camphrè, introduisant telles qualitez en l'air, elles contrarient à celles du vent Austral, chaud & humide.

*lib. 9. des  
mp. me-  
re.  
roprietex  
soul-  
re.*

Le Souldphre, dit Galien, a grande puissance d'attirer, il est temperément chaud, d'essence tenuë resistant à la blessure de plusieurs animaux venimeux, principalement contre celuy de la Raye & du Dragon marin. Dioscoride assure qu'il est excellent pris en vn œuf, ou en fumée cõtre la toux, & les pourritures de l'estomach & du poulmon : qu'il est bon contre la picque du Scorpion, avec le Nitre qu'il guerit la gratelle, & fait beaucoup d'autres seruices au corps humain; ainsi en parlent ces deux Anciens. Les nouueaux l'estiment encore dauantage, & publiët le Nitre & le Souldphre, pour deux tres-grands outils de l'Art  
curatif



curatif, ils assurent que la peste ne se logea oncques où l'on faict les nitres & les souldphres, que le souldphre crud & préparé est vn tres excellent remede de precaution aux plus dangereuses pestes, & le nitre préparé à la cure des violentes fiebres, contagieuses & putrides.

Quand au second remede auquel *Proprie de l'ambre jaune.*  
entre le Carabé, l'escorce, grene ou gomme de geneurier, ces ingrediens sont de telle recommandation que les anciens & les modernes les ont placez au rang des meilleurs, l'ambre a tousjours esté mis dedans les compositiós cordialles, car il est tres-familier remede pour les affections du cœur receuant & rectifiant ses esprits vitaux, aussi le deffend il de peste, & de venins. Il guarit les syncopes & les palpitations, mesme il fortifie & reueille les esprits naturels & animaux, pour

cela le donne-t-on aux epileptiques & a plusieurs affections du cerueau, il resiste puissamment à toutes pourritures, son huile est vn tres preient remede contre le venin de plusieurs animaux & contre la paralisie, donné en substance à la disenterie & lienterie, il profite grandement, & sa vertu s'estend presque sur tous les membres du corps: veritablement ses proprietiez sont si excellentes que qui ne le cognoist ne le scauroit assez louer, les Anciens, pour cela, ce crois-ie, l'ont nommé sacré, si l'on demande d'où prend il ces tant grandes vertus, ie ne scaurois respondre qu'il les a de ses qualitez manifestes, il est tenu chaud au premier degré & sec au second, pour le goust il est tres-petit, l'en sent vn peu de siccité mellée d'astringtion, par ces premiers & secondes qualitez, on le peut estimer detersif & astringent:

mais les autres effects procedent sans doubte de la proprieté de toute la substance, nos deuanciers l'ont mis en vſage pour les affections recitees , & les modernes s'en ſeruent encore tres-heureusement.

Pour le geneure, eſcorce, ou fruit, *Proprieté du geneure*  
ou gomme, meſme le bois, les payſans ne le cognoiſſent pas moins pour les rares vertus que les plus doctes, le bois ſe cōſerue pluſieurs annes ſans pourriture, il eſchauffe, prouoque l'vrine, ſa fumee faiçt fuir les ſerpents , ſa grene chaude au premier degré & ſeche au ſecond eſchauffe moderément avec quelque petite aſtriction, elle eſt tres-vtile contre les affections froides de l'eſtomach, & cōtre la bleſſure des Serpents, ſa feuille guarit promptement les morſures de Vipere, l'huyle de ſon bois guarit les dartres les plus viſues & malignes, ſon eſſence, ſon bois, & ſon

frui& sont tres excellens en parfum pour corriger l'air pestiferé, & la gomme vulgairement nommee vernis & des Arabes saudaras, chaude & seche au second degré contient la meilleure part de ces vertus, la theriaque Angloise a sa base de son frui&.

Si donc tels medicaments sont alexitaires aux venins ils peuuent à iuste tiltre estre vsurpez contre la peste & seruir de coretifs à l'air cōtagié & tout infecté; à l'aduenture pourra-t-on accorder cela, & puis m'obicter que ie ne parle que de la purification de l'air, & neantmoins que i'ay cy-deuant dit que la terre & l'eau produiloient aussi leurs venins, dont nous pouuons estre infectez, lesquels i'oublie, car il est à presupposer qu'estât empestez qu'ils doiuent estre guaris ainsi que l'air, ie responds qu'il n'en va pas de mesme, bien que le venin exalé de la terre ou

euapore, de l'eau au commun espace de l'air, comme leurs fruiçts & semences des venins, qu'ils ne peuuent estre empeschez en leur action, seulement nous est-il possible d'empescher leur germe hors de ces matrices, & par ces remedes en preseruer l'homme.

Après les remedes generaux de la correction de l'air, il y en a encores d'autres que nous plaçons au rang des generaux, parce qu'ils peuuent estre indifferemment vsagees à toutes personnes de quelque aage, sexe, & temperamēt qu'ils puissent estre, & pour toutes pestes de quelques matrices qu'elles puissent esclorre, principalement en la cause externe, tels sont le bitume liquide, vulgairement nommée petreole, & le Camphre vnis ensemble, quiconques

*Autres  
medes  
le  
caux.*

aura le derriere des oreilles, les aisselles & les eînes ointes de cette liqueur ne sera attaqué de peste par cause externe, & quicôques en aura les mains grasses ne sera mordu celle part par les Viperes, de mesme de l'huile d'ambreiaune dans laquelle sera dissolt pour once vne dragme de Camphre, ainsi seront encore preseruez, ceux qui liniront telles parties avec gresse de Vipere, huile de Scorpion, Camphre & peu de cire pour dōner corps à ces matieres, i'entends les douillets dire que ces remedes ont l'odeur trop desagreable, & ie leur reparts que la peste est vne tres dangereuse maladie, neantmoins vn peu de Ciuette n'est pas incompatible avec la gresse de Vipere & l'huile de Scorpion.

*Remedes  
amulettes  
que  
st.*

A ces remedes de precaution en la cause externe & interne, nous pouuons adioindre les amulettes, ce sont

remedes qui agissent par la faculté  
 Aymétee d'une nature cachée en leur  
 ventre, dont la cause iusques à main-  
 tenant n'a pas esté autrement bien co-  
 gneue, l'on en a pourtant remarqué  
 quelques louables effects, le Crapaut  
 seché, la pierre d'Areignee, & l'arcenic  
 portez sur la region du cœur est l'amu-  
 lete qui a preserué de peste quicon-  
 que s'en est seruy: l'y en a d'autres que  
 ie me promets d'escrire à plus grand  
 loisir, mais il faut respôdre à ceux qui  
 m'obiecteront que ces remedes n'ont  
 point d'Art, que ie les propose sans  
 preuue, ie les assure que si nous n'a-  
 uions des effects de la nature que ceux  
 que nous pouuons prouuer & que  
 nous reduisons en Art par la cognois-  
 sance de leurs causes, que la science de  
 Medecine ne seroit qu'un steril babil  
 sans action & sans vslage, les proprie-  
 tez des choses naturelles ne dépendēt

ny de nostre opinion ny de nostre disposition, tout ce que nous y pouuons c'est vn ordre en leur vsage: ainsi que de toutes les choses, les vnes vont deuant & les autres suiuent apres, de mesme ordonne t-on en l'Art inuenté: d'abôdant c'est que tous remedes qui operent par la proprieté de toute la substâce nont point d'autre methode que celle que leur peuuet fournir vne longue expérience, les medicaments interieurs tant de la precaution que de la cure ont plus d'Art & de methode, & plus les derniers que les premiers.

Mais, dira-t-on, si les remedes vniuersels cy-deuant proposez sont vrayz & bons, inutilement nous en voulez vous prescrire d'autres, c'est contrarier à cette fameuse maxime qu'en vain fait-on par beaucoup, ce qui se peut par peu, ie responds que les me-

e les re-  
des par-  
siers-  
it consue-  
bles avec  
gene-  
reux.



dicaments particuliers concurrans à mesme effect, ne nuisent pas aux vniuersels, ils tendent tous à conseruer la santé, qui dautant plus qu'elle sera aydee & secourué, dautant sera-t-elle assurée.

Pour doncques de mieux en mieux rencontrer nostre intention de la conseruation de la santé contre les venins des pestes, nous pourrôs adiouster aux remedes de precaution vniuersels, les particuliers suiuan, ainsi sont-ils nommez à cause de leur yslage, & les ioindre au regime qu'ils doit deuan- cer, tant contre la cause interne, que pour l'externe.

Repetant encore ce que nous auôs <sup>Remede pris de</sup> cy deuât dit, que la Peste est vn venin <sup>cause de</sup> contagieux, ennemy de la vie, dont la <sup>maladie</sup> prompte action tuë à l'instant, ou par <sup>& de se</sup> progrès de temps, engendrant pour <sup>accidents.</sup> cette fin la pourriture, nous somes

obligez d'auoir premierement esgard au venin en general , & courir à l'alexitaire , comme diametralement opposé à son actiō , lequel alexitaire doit estre accompagné de qualitez requises au temperament du sujet auquel il est appliqué , & contraires à celles qui sont iointes à la substance du venin , selon la matrice , parce qu'il nous apparoiſt en la Nature vniuerselle , que les formes pour trauailler s'accompagnent tousiours de quelque qualité , comme instrument de leur action , & pource que les accidents sont seulement sensibles & de premiere rencōtre , & non les substances , la pluspart de ceux qui ſ'y sont arrestez sans penetrer plus auant , les ont pris pour les agents des choses , & se sont amusez à les combattre , oubliant le principal & l'auteur de tout le negoce ) la forme substantielle ) ie ſçay que ceux de la

classe qualitative respondront que les qualitez estans les instrumens des formes , qu'il suffit d'oster l'espee au furieux, puis qu'en le priuant d'un tel instrument vous luy ostez la puissance de mal faire, & ie dis que non, & qu'il estoit plus à propos de l'empescher de la prendre , parce qu'il n'en eust fait mal, s'il a desia frappé à mort, que sert-il plus de la luy oster ? pour cela nous auons deux principales intentions en la precaution ; la premiere , d'empescher que cette furie du venin de la peste ne s'esueille, estant vray-semblable qu'elle porte ses armes endosse estant pour attaquer que pour se deffendre : l'autre , que si elle est esueillée, & traaille de l'estouffer , ainsi que l'on fait les enragez, auant que de blesser les autres, & pour cela faut auoir recours au contre-venin, qu'il est besoin d'armer (comme nous auons dit ) de qualitez

*e le cō-  
uenin  
e estre  
empa-  
des qua  
x con-  
res à cel  
des pe-*  
cōtraires à celles del ennemy. La Na-  
ture nous enseigne cet ordre, nous la  
deuons plustost suiure que ceux qui  
ne la contemplēt que dedans leur ca-  
binet, & neantmoins qui la veulent  
assuiettir aux loix de leur fantaisie, auf-  
sitost que cette premiere viuante &  
derniere mourante se sent attaquée,  
elle met tout son effort de ietter de-  
hors le venin qui la veut opprimer:  
nous deuons donc suiure son mouue-  
ment, c'est la vraye methode en la ma-  
ladie de la Peste.

*ime en  
ste.*  
Or pour conseruer la santé, vn su-  
iet en temps de Peste, il est conuen-  
able de commencer par les affections  
de l'ame, & de les tenir paisibles, que  
le sang soit bien temperé, voire plus-  
tost rafraischy qu'eschauffé, parce que  
chauld, il attire plus promptement le  
venin de la Peste, que l'Ambre frotté  
n'attire la paille: de tenir moderation

aux actions, car violétes elles eschauffent les esprits & le sang: puis y adjouster la bonne forme de viure, avec les medicaments apropiiez.

La forme de viure consiste principalement au chois des aliments, & en leur quantité; tout alimēt. qui a beaucoup de similitude avec l'homme est plus facilement infecté en temps de Peste qu'aucun autre, pour cela telle nourriture doit estre corrigee, c'est à dire, comme guarie de l'infection, le pain & le vin ont plus de conuenance à la nature humaine que tous autres, & le pourceau, qui est le plus pernicious: des deux premiers l'on ne se sçauroit passer, si est bien du porc, qui en temps de Peste deuroit estre interdit, le pain peut estre corrigé, en mettant sur vn septier de bled vn ou deux boisseaux d'orge, à quoy la police deuroit auoir esgard: le vin est grande-

ment sain dedans lequel on fait tremper à chaque repas nouuelle pimpernelle, & ceux qui ne craignent de se chastrer, ny ne sont difficiles au goust, d'y faire tremper deux ou trois feuilles de Ruë: quand aux autres viures, les poules, poulets, chapons, sont les meilleurs, puis apres le mouton, le veau, & le bœuf quelque peu salé, si l'on les fait bouillir, il sera ben que ce soit avec quantité d'oseille, & d'y adiouster vn gros oignon, les poireaux & le safran sont lors de bon vsage; les viandes rosties doiuent estre mangees avec vinaigre rosat, ou d'œilets, ou d'ail, les œufs fraiz sont de bonne nourriture, les cardes de poiree, & les artichaux cōuenables, les escreuisses & grenouilles sont comme alexitaires en tel temps: tous fruiçts acides sont bons, les raues & naueaux sont de saison, & tout ce qui resiste à la pourriture. Ceux qui au

lieu de vin boiront de l'hydromel acce-  
teux, vulgairement dit oximel, feront  
tresbien, de tous ces aliments il en faut  
vser moderément, & peut-on adiou-  
ster ou diminuer à ce regime selon la  
raison & le temperament.

Quant aux remedes, ils sont de plu-  
sieurs especes, ayant esgard à leur con-  
sistance, car les vns sont durs & soli-  
des, comme pilules, tablettes, & tro-  
chisques, les autres sont molets, com-  
me opiates, electuaires, conserues, &  
confections: il y a encore de liquides,  
sçauoir, syrops, eaux theriacales, & vi-  
naigres, toutes ces diuerles formes de  
medicaments ont esté inuentees pour  
s'accommoder aux difficiles, & non  
qu'ils fussent tous necessaires, vn bon  
suffit, ou tout au moins deux, sça-  
uoir aux corps cacochymes, l'vusage  
des pilules, qui seront diuersifiees se-  
lon les temperamets & l'humeur pec-

Remes  
particu-  
liers.

*ulles.*

cante: celles de Ruffus, auxquelles on aura adiousté pour once vnedrachme de vitriol blanc, & demy drachme de fel d'absinte, resistent puiffammēt aux venins & à la pourriture, elles esuacuēt doucement: & pour les sains & pour les cacochimes l'opiate suiuate resiste grandement à la Peste, voire est curatiue de beaucoup de venins.

*Oppiate  
excellentē.*

Prenez grene de geneurier deux liures, fucs depurez de marrube blāc, de Roynie des prez, & de Scordium, de chacun six onces, suc de ruē depuré trois onces, cuisez vostre grene en ces fucs, & lors qu'elle sera cuitte pilez la au mortier avec les fucs, puis passez par le tamis comme l'on passe la casse, à vne liure de ce qui aura esté passé adioustez les drogues suiuanes puluerisees tres subtilement: racine d'angelique, de tormentille, d'Asclepias, & d'Aunee, de chacune demie once, ambre iaune



bre iaune, corail rouge, terre sigillee de chacune trois dragmes, safran & camphre de chacun vne dragme, autant que toutes ces choses ensemble poisēt il y faut adiouster du miel escumē & cuit avec eau de chardon benit, la dose est d'vne drachme & demie tous les matins à ieun, les bilieux la prendrōt avec vne cuilleree de syrop de petite oseille, & les pituiteux avec vn peu de vin.

Pour les delicats & qui veulent auoir quelque chose dedans leur bouche, les trochisques cy apres descriptes sont admirables.

Prenez fleurs de soulfhre bien faites, pouldre de racine d'Angelique, d'Aunee, de Tormentille & d'Iris de Florence, de chacune deux dragmes, pouldre de l'electuaire des pierres precieuses, sucre quatre fois autant que poisēt toutes ces choses, gelee de corne

*Tablet  
ou troch  
ques.*

de cerf faite avec eau de roses, autant qu'il en faut pour faire vne paste dont on formera trochitques grosses cōme muscadins, il suffira d'en prendre par iour le poids de deux dragmes.

Et pour ceux qui souffrent inpatiemment les mauuaises odeurs des ruës & cloacques, le vinaigre suiuant est tres-excellent, car les pommes musquées & odorantes & les sachets de parfums ne me semblent pas autrement recommandables, d'autāt qu'en les fleurant le venin se glisse plus facilement, & ils n'ont assez de vertu pour le repousser & vaincre.

*inaigre.*

Prenez racine d'Angelique, d'Aunee, de l'une & l'autre Aristoloche de chacune vne once, semence de Ruë & de Baselic, escorce de Citró de chacune vne demy once, rose rouge deux onces, Acore vray, girofle & canelle de chacun trois drachmes, sucs depurez

de Scordion, de Marthube blanc, & d'herbe à chat de chacun demy liure, suc de Ruë troisonces, tresfort vinaigre quatre pintes, mettez le tout dedans vne grande bouteille de verre, & l'exposez au soleil. La façon d'en vser est d'en mouiller vne petite esponge que l'on tiendra enfermee dedans vne petite boüette trouëe, propre à porter à la main, afin de la flairer souuent, ce vinaigre conforte les esprits sans les eschauffer, & resiste parfaictement aux venins, vne Cassolette faite selon la suiuant description, mise soir & matin à l'entree des portes & dedans les chambres, est tres saine & de tres rare vertu.

Grene de Geneure concassée vne liure, racines d'Aunee, d'Angelique & d'Iris de Florence de chacune deux onces, escorce de Citron, Girofle, de chacun vne once, Marjolaine & Ruë,

de chacune vne poignée, toutes ces choses meslees ensemble vous en mettrez trois onces avec vn demy septier d'eau Rose, & la moitié d'autant de vinaigre, dont vous ferez cassiolette à la façon ordinaire.

A ce remede i'adiousteray encore vn liniment tel que celuy qui sera soigneux de s'en frotter soir & matin derrière les oreilles, sous les aisselles & aux eies, sera moyennant l'ayde de Dieu. preserué de ce fascheux mal, procedant de la cause externe.

Beure noircy à force de le frire vne liure, Ruë, Marrhube blanc, bouillon blanc, de chacune deux poignées, vne douzaine de grenouilles entieres, chopine de fort vinaigre, le tout mis ensemble dedans vn pot de terre: (les herbes estant à demy pilces) sera cuit iusques à la consommation du vinaigre, lors il faut passer & presser par vn

linge, & recueillir ce beure engrossi de la vertu des autres ingrediens, pour demy liure, vous y adiousterez deux onces d'huile de Scorpion, & demy once d'huile de Petrole, puis l'on le gardera tel pour l'usage.

La paresse, vice tres commun à la pluspart des hommes, me faiët encore adiouster vn remede pour la cause interne tres-excellët & tres-facil, vne poignee de Marthube blanc & vne poignee de Ruë, cët Noix vieilles, desquelles on aura osté la coquille & le zest, le tout mis ensemble dedans vn pot à tremper avec fort vinaigre deux de ces noix l'vne prise le matin, l'autre le soir est vn tres-grand preseruatif pour les pauvres & pour les valets.

Et qui ne voudra des remedes tant artificiels le vinaigre dans lequel aura trempé de la Ruë est assez bon, celuy d'œillets aussi est excellent tant pour

Re  
simpl  
bons.

manger que pour flerer, le Rosat n'est pas sans vertu, celui d'Ail entre les simples, à ceux qui le peuuent souffrir, est de tres bon vsage pour l'interieur, ainsi les pauvres, les paresseux & les auares qui preferent leur argent à la vie, rencontreront en ces simples remedes de quoy se satisfaire, car outre ces vinaigres dont ils peuuent vser pour le dedans & le dehors, ils ont encore la racine d'Aunee, ou d'Angelique, ou d'Imperatoire trempées vn peu en vinaigre, dont ils peuuent tenir en leurs bouches, voire vn simple bouquet de Ruë souuent fleré est de grande recommandation.

Outre ces simples remedes dediez aux disetteux, ce suiuant composé par nos anciens, est autant excellent pour les pauvres à raison de sa facilité & petit frais qu'il est bon pour les riches à cause de ses rares vertus: & ce seroit of-

fencer le vieil aage qui l'a inuenté & le nouveau qui l'a experimenté que de l'oublier.

Prenez cuisses de Noix vieilles, qui *Rem pour passer tres-celent.*  
 pourtant ne sentent le rance, deux onces, feuilles de Ruë demy once, six Figues, quatre gousses d'Ail & vne pincee de sel, le tout parfaictement brayé & bien meslé avec vn peu de l'vn des vniuers mentionnez, ou à faute d'eux du commun, mais du plus fort: Ce remède pris à ieun à la grosseur d'vne petite noix, preserue de peste & de venin; ce que l'experience a confirmée tant de fois que d'en doubter est offencer Dieu & la nature qui nous ont estalé tant de vertus en si petite chose que nous negligons.

Mais entre tous les medicaments *Tres grand remède la charité la vie*  
 dont ie fais estat, & auxquels ie me cōfie grandement par la misericorde de nostre Dieu, c'est de l'usage de la Vi-

pere tant de la chair que de ses entrailles, comme cœur, & foye, estant efficace iusques aux merueilles, il y a peu de venins auxquels elle ne resiste, & peu de peste que donnee à temps elle ne garisse, non seulement elle est de tres-rare vertu cōtre ces fascheuses & importunes maladies, mais encore contre toutes les autres qui ont quelque conuenance aux veins & à la pourriture.

Si sur ce sentiment de l'vsage de la Vipere prise par le dedans, & du Crapaut & du Scorpion, vsurpez pour le dehors: on demande pourquoy & cōment ils sont remedes à la peste, & à leur pique, baue & morsure, veu qu'ils sont pestes & venins eux mesmes, & ennemis de la nature humaine, car beaucoup de grands personnages les ont estimez tant venimeux qu'ils en ont mis leurs chairs & entrailles au



rang des poisons les plus presens , disans qu'il n'est pas croyable que ce qui fabrique le venin en soit exépt. Je tiens qu'il est aisé de leur respondre à telle demâde, non par la raison des simples qualitez , mais par d'autres causes plus rapportantes à la verité de l'experience.

Il se remarque au progrès des choses naturelles que les vertus de chacunes d'elles se manifestent par la forme agissante en la matiere, qu'elle desire naturellement , afin de s'en fabriquer vn corps ; accomplissant son dessein elle dispose & agence diuersifié de substances pour son ouurage. qu'elle assuiettit à sa puissance ; & auxquelles elle imprime vne naturelle inclination les vnes vers les autres, de sorte qu'encore qu'elle ne paroisse plus en action , la conuenance qu'elle a introduite entre ces substances ne laisse de faire quelque effect semblable à celuy de la vie presente,

*Pourquoy  
la chair  
la viper  
vtere le  
venin.*

pendant que le Serpent viuoit il attiroit les venins de la terre conformes au sien, maintenant qu'il est mort, cette mesme faculté esparse en toutes ses substances fait le semblable, elle attire encore le venin qui luy est analogue: Or les substances apparoissent de deux conditions, l'une crasse & sensible, qui est proprement la chair du serpēt, l'autre subtile & comme inuisible, qui est le venin: la premiere est comme matrice à la seconde, non pour estre de semblable nature, mais pour la raison de leur commune vie, & de la conuenance qu'a introduite la forme entre elles, par ainsi la premiere n'est pas venin, seulement attire-t-elle le venin, & conserue telle faculté iusques à ce que l'action d'une plus puissante forme luy ait ostee, & le venin demeure tousiours venin, dautant qu'il ne se digere iamais, bien se recelle-t-il & de-

meure assoupi iusques à ce que la nature dans laquelle il est caché soit affoiblie, & luy permette de se demesler & reparoistre. C'est ce que i'ay remarqué pour cette operation que l'experience nous montre tous les iours par le Scorpion esclafé sur sa picque, lequel attire le venin que son aiguillon cōtenoit, car le venin de necessité est fabriqué du corps & de la forme du Scorpion, lequel ayant plus de conuenancē à la substance du corps dont il est extraict qu'à celle del'homme, il quitte cellecy où il est introduit violemment, pour reprendre l'autre qui luy est cōforme, & le mesme peut arriuer des autres animaux à leurs venins.

Ce n'est pas, comme nous venons de dire, que leur chair soit en aucune façon venimeuse, bien qu'elle aye vne Comment  
la chair de  
vipere est  
alexicaire propriētē d'attirer le venin, voire que elle le contienne en puissance, car le

venin des animaux est comme le dernier & le plus parfaict ouurage de sa forme, aussi apres l'auoir demeslé de son chaos, eile le range tousiours quelque part à reserue pour s'en seruir en son temps, ainsi la Vipere l'a entre les dents, & le Scorpion à la queue, & nulle part ailleurs. Or pendant qu'il est confus dedans les autres substances du corps de l'animal, il ne peut nuire de quelque façon que ce soit; & la nature s'en descharge tresfacilement, ou le dōpte, que si au contraire il se desueloppoit & posoit son centre hors du meslange, son action se manifesteroit aussi tost, mais il ne peut estre separé de sa confusion que par la forme d'un animal venimeux, ou de quelque autre quil'esgale: de sorte que le venin en telles substances n'en peut estre facilement separé, & par consequēt ne peut nuire, tout au rebours, cette substance analo-

ge aux venins , les attire de toutes parts & les enferme en soy, dont la nature en laquelle ils auoient esté transmise se sentant desgager & soulagez, parce que ce sont les substances spirituelles telle que le venin qui l'agissent le plus en ce qu'elles combattent contre ses principales facultez, elle pousse le tout par les voyes ordinaires à ses descharges, c'est de la sorte que l'usage interieur de la Vipere est tres-excellent, & celuy du Scorpion & du Crapault appliqué au dehors.

Parëille conuenance se rencontre entre la chair de l'Escreuiffe & la faculté pierriifiante qui depend d'une substance tres-deliée rarement tombant deffoubs le sens, pendant que cette vertu est esparse en toute la substance charnuë de l'Escreuiffe, elle ne fait son ouurage, il faut que la forme de l'animal l'attire à son lieu, & lors sans con-

*Commēt la  
chair d'Es-  
creuiffe est  
remede à la  
grauelle.*

siderer les premieres qualitez elle mō-  
stre quelle est sa puissance: Or la chair  
de l'Escreuille cōtient le pouuoir d'at-  
tirer cette substance & de la receler  
en soy iusques à ce que la forme de l'a-  
nimal la separe, luy laissant tousiours  
cette faculté atractiue, de sorte que  
transmise en quelque subiect ou cet  
esprit petrifiāt soit vaguāt, telle chair  
par sa conuenance l'attire, le recelle &  
en desgage la nature contre laquelle  
cet esprit pierreux alloit agir, C'est  
de la sorte que la chair de l'Escre-  
uille est remede de precautiō à la gra-  
uelle & à la pierre & non autrement,  
aussi ceux qui l'vsurpent à ce dessein  
ne disent pas comment elle opere, se  
contentant d'assurer que c'est par oc-  
culte propriété.

*Cōment les  
Vegetaux  
sont alexi-  
caires.*

Ces considerations de la conuenan-  
ce de la chair des Serpents aux venins,  
tire apres soy cette questiō, pourquoy

les racines, tiges, feuilles, fleurs, fruiçts, & autres medicaments vegetaux, cōtrevenins, garissent les empoisonnez tant de peste qu'autrement. Puis que l'analogie du corps du Serpent à son venin, consideré comme esprit à son corps vers lequel il se tourne comme à son aymant & à son repos, est ce qui en cause l'effect que nous esperons.

*Plin d  
que le cor  
& la ra  
ie du Cri  
pant est r  
mede à se  
venin.*

Il faut icy aduôier que cette question n'est pas petite, ny de facile resolution; neantmoins il ne me semble à propos d'en demeurer là, ce que l'experience en a donné de cognoissance il le faut dire, l'on a obserué que les venins se combattent & maistrisent par deux manieres: la premiere par les substances analoges qui les attirent & en deschargent la nature oppresse, l'autre par remedes qui les domptent & les chassent, il y a des plantes & autres subiects en la natute de l'vne &

*Les contr  
venins e  
rent p  
deux fac  
tez.*

de l'autre condition, les premiers agissent en attirant comme matrices, & les seconds repoussent ainsi que la pierre Theame des repousse le fer, la Scorfonere attire à soy le venin de la Vipere, de mesme que fait la chair de cet animal, & la Ruë le reiette & le maistrise, cette premiere plante appliquee sur la morsure sans la prendre par dedans garit la playe & oste le venin, & l'autre prise interieurement ne profite pas moins, les remedes qui tuent les animaux venimeux, maistrisent le venin ainsi que la Licorne, le Besoart, l'os de cœur de Cerf & sa corne & autres. Il se dit que la Mustele se frotte de Ruë & en mange pour combattre les Serpents, la fumee de la mesme Ruë tuë tous les insectes venimeux qui ne peuuent fuir deuant elle, l'on attribue pareille vertu au Fresnoe, & dit-on que les Serpens ne scauroient souffrir son ombre,



ombre, le dictame de Calament, le Peucedane, la Lisimachie tant en substance que la fumee les font aussi fuir: Il en arriue de mesme de l'odeur de la corne de Cerf bruslee & du Galbanõ, vne longue experience a confirmé ces choses, & en a conuaincu les yeux.

Ces raisons & l'experience me font donques dire que la chair de Vipere prise au poids d'une drachme est vn tres-singulier remede de precaution & de curation du venin de la peste, & faite d'elle, & pour ceux qui en apprehenderoient l'usage, ou l'auroient en horreur, les autres medicaments cy deuant proposez leur peuuent suffire, & par leur moyen (Dieu les benissant) les garantir de ce mal tant redouté.

Après l'aduis de la precaution, celuy de la cure deuroit suiure, mais outre que mon peu de loisir ne me permet

pas d'y traualler maintenant, ie ferois  
encore tres-ayse, auant que de l'esclo-  
re, de penetrer le sentiment de ceux  
qui verront ces premieres conceptiōs,  
sinon de tous au moins de ceux à qui  
vne maladiue preoccupation n'aura  
subuertý le iugement, afin que d'eux  
ie reçoie le desir ou le degoust de  
poursuiure, ne respirant en tout cecy  
que la gloire de Dieu, & l'vtilité de  
mon prochain.

F I N.

*Aduu au Lecteur sur les obmissions & fautes  
de l'impression.*

**I**'Ay donné cecraicté au téps; quelques heures desrobées l'ont fabriqué; s'il n'est luivy avec autant d'art, que l'on pourroit desirer pour vn semblable luyect le peu de loisir que i'y ay employé ne l'a permis: Je sçay qu'il n'explique pas entierement tout ce qui appartient à cette matiere; car il ne parle de la cause prochaine du Bubon & du Charbon, voire les taches, putrures des siebutes qui en portent le sur-nom & les autres maladies venimeuses & contagieuses semblables à la Pluresie, Disenterie, & Liëterie assuieties sous la generalité de Peste y sont oubliez, en outre le regime & les remedes n'y sont enseignez si ordonement qu'il seroit besoin, (& néanmoins de sorte que l'on en peut facilement prendre l'usage) Mais tous ces deffauts se peuvent amander & me promets de le faire si ie sens que ce creon faict à la haste agreee à quelqu'vns, ie repette à quelqu'vns, dautant qu'il m'est impossible de plaire à tous. Et outre mes obmissions en ce peu de lignes, encore s'y rencontre t-il des fautes de l'impression plus que je ne voudrois; le Lecteur y prendra garde s'il luy plaist, & pensera d'abondant en ma faueur que ie desirerois qu'il n'y en eüst point du tout, tant de ma part que de celle de l'Imprimerie. Il lira donc,

Fol. 19. l. 14. respect. f. 21. l. 20. est inexplicable. f. 24. l. 18. precede, f. 26. l. 2. fa, f. 27. l. 21. animaux, f. 42. l. 3. ils s'accompagnent, f. 44. l. 7. la, f. 48. l. 3. de la 9. Sphere, f. 86. l. 11. ces generations, f. 96. l. 10. calie, f. 100. l. 4. Sandaras, l. 11. correctifs, f. 101. l. 14. vsagers, f. 104. l. 10. peu, f. 110. l. 4. difficile, f. 111. l. 7. remedes particuliers, f. 119. l. 13. confirmé, f. 125. l. 14. desgagée & soulagée.

182  
EXTRACT DV  
Privilege du Roy.

PAR grace & Privilege du Roy, il est permis à Jeremie Perier, marchand Libraire de cette ville de Paris, d'imprimer ou faire imprimer vn liure intitulé *Traicté de la Peste, fait par Guy de la Brosse, Medecin, avec les Remedes preservatifs*. Et defenses sont faites à tous marchands Libraires & Imprimeurs, & autres de quelque estat, qualité & condition qu'ils soient, de n'imprimer ou faire imprimer ledit liure, vendre ny distribuer d'autres que de ceux que ledit Perier aura faicts ou faict faire, sur les peines portees à l'original du present Privilege, à ce que personne n'en pretende cause d'ignorance, Car tel est le plaisir de sa Majesté. Donné à Paris le deuxiesme d'Aoust, mil six cens vingt trois.

Signé,

BERGERON.

